

四庫全書

子部

欽定四庫全書

子部  
焦氏易林卷四

詳校官中書臣瞿 照

靈臺郎臣倪廷梅覆勘

總校官編修臣王燕緒

校對官中書臣鮑之鍾

謄錄監生臣許紹錦

欽定四庫全書

焦氏易林卷四

漢 焦贛 撰

姤之第四十四

姤 河伯大呼津不可渡往復示故乃無大悔

乾 蒙被恩澤長大成就柔順利貞君臣合好

坤 東山西山各自止安雖欲登望竟不同堂

屯 登上上谷與虎相觸狷為功曹班叔奔北脫之嘉

同

蒙躓跌未起失利後市不得鹿子

需結珠懷履卓斯以思為君奴婢

訟鷄鳴失時民僑勞苦犬吠不休行者稽留

師陳媯敬仲兆興齊姜營丘立適八世大昌

比鹿畏人匿俱入深谷短命不長為虎所得死於牙

腹

小畜言無約結不成券契殷叔季姬公孫爭之強入

委禽不悅於心乃適子南

履鼓瑟歌舞懽悅於酒龍喜張口大悅在後  
泰凶憂災殃日益明章禍不可救王却夷傷  
否水流趨下遂成東海求我所有貿鱣與鯉

同人陰為陽賊君不能克舉連失常利無所得

大有離牀失案龜喪其願都市無會叔季懷恨

謙壅遏隄防水不得行大慎陽光陰霓伏藏先歸其

鄉

豫蹙屈復伸東乘浮雲貴寵母前

隨實沈參伐以義斷割次陸服刑成我霸功  
蠱金泉黃寶宜與我市娶嫁有息利後過母  
臨禹召諸神會稽南山執玉萬國天下安寧  
觀三蟲作蠱踐跡無與勝毋盜泉君子不處  
噬嗑花葉隕落公歸樞宅夷子失民潔己不食  
賁履機懼毀身王子廢終得所欲無有凶害  
剝道理和得仁不相賊君子攸往我有利福  
復合匏同牢姬姜並居壽考長乂

无妄 闕睢淑女賢妃聖偶宜家壽母福祿長久

大畜 騅驪脫乳不知子處旋踵悲鳴痛傷我心

頤 知嚴絕理陰孽謀主十日不食困於申亥

大過 鑿諸攻玉無不宜鑿鱗鳳成形得象君子三人

翼事所求必喜

人一作仁鑿諸攻玉者鑿其攻玉之事無不宜鑿者鑿則必有也

坎 昧暮乘車以至伯家踰梁渡河濟脫無他

離 吾有黍稷委積外場有角服箱運致我藏富於土嘉

糧

咸喜笑且語不能掩口官爵並至慶賀盈門

恒霧露雪霜日暗不明陰孽為疾年穀大傷

遜伯去我東髮如飛蓬寤寐長歎展轉空牀內懷悵

恨心摧肝腸

大壯亡羊補牢張氏失牛駢駟奔走鷓盜我魚

晉販鼠賣鼃利少無謀難以得家

明夷西戎為秩幽君去室陳子發難項伯成亂

家人秋風生哀花落心悲公室多難蒙古氏衰

蒙古一作



羊舌

睽持福厭患去除大殘日長夜盡嘉世蒙恩

塞新受大喜福履重來樂且日富足用豐財

解前頓却躓左跌右逆登高安梯復反來歸

損夢飯不飽酒來入口嬰女難好媒應不許

益大都王市稠人多寶公孫宜買資禍萬倍

禍當作貨

夬兩人俱醉相與悖戾心乖不同爭訟恟恟

萃身無頭足超躔庶乖不能遠中之道疲休失利後

市

升三人俱行六目光明道逢淑女與我驥子  
困進士為官不若復田獲壽保年

井先易後否失我所市騷蘇自苦思吾故事

革蘇秦發言韓魏無患張子馳說燕齊以安

鼎武庫軍府甲兵所聚非里邑居不可舍止

師之寨

震二桃三口莫適所與為孺子牛西氏生咎

艮西山東山各自止安雖相登望竟不同堂

漸不改柯葉和氣冲適君子所在安無怵惕

歸妹 將戍繫亥陽藏不起君子散亂太上危殆

豐 天官列宿五神舍室宮闕完堅君安其居

旅 左手把水如光與鬼不可得從

巽 逐狐東山水過我前深不可涉失利後便

兌 水瀆魚室來灌吾邑衝破我家與狗俱遊

渙 山險難登澗中多石車馳輶擊重載傷軸擔負善

躓跌踣右足

節 槽空無實豚玃不食庶民屈竭離其居室

中孚 執熟爛手大為災咎公孫無賴敗我王室

小過 三虎上山更相噬嚙心志不親如仇如怨

既濟 西家嫁女借隣送女嘉我淑姬賓主俱喜

未濟 克身潔已逢禹巡狩錫我玄圭拜受福祉

萃之第四十五

萃 蒙慶受福有所獲得不利出城疾人困極

乾 碩鼠四足飛不上屋顏氏淵德未有爵祿

坤 新受大幸福優重職樂且日富

屯 克身潔已逢禹巡狩錫我玄圭拜受福祉

姤之末濟

蒙 置筐失筮輪破無輔家伯為政病我下土

需 機言不發頑不能達齊魯為仇亡我葵丘

訟 亡錐失斧公輸無輔抱其彛器適君子處

一本蒙下二句

在訟之下訟下二句在蒙之下

師 家在海隅橈短深流伯氏難行無木以超

比 德施流行利之四鄉雨師灑道風伯逐殃巡狩封

禪以告成功

小畜 筐傾筥覆畏我公置簡伯無禮太師正食

履 泥滓污辱棄捐溝瀆為衆所笑終不顯祿

泰 獼猴兔走腥臊少肉漏卮盛酒利無所有

否 鹿畏人藏俱入深谷命短不長為虎所得死於牙  
腹

同人 南山芝蘭君子所有東家淑女生我王室

大有 左指右揮邪望侈靡執節無良靈君以亡

謙爵秩不明為臣所傷衆陰羣聚共奪日光  
豫穿鼻繫株為虎所拘王母祝禱禍不成災突然自  
來

隨貧鬼守門日破我盆毀鼠傷綬空虛無子  
蠱襄王束帶鄭人是賴莊公卿士王母憂喜

臨昭君守國諸夏蒙德異類既同崇我王室  
觀冬數朽腐當風於道蒙被塵埃左右勞苦

噬嗑六爻既立神明所告文定吉祥康叔受福

賁 泣涕長訣我心不悅遠送衛野歸寧无咎

剝 三宿無主南行勞苦東里失利喪其珍寶

本卦  
遯同

復 大斧破木讒佞敗國東闕良工禍及三子晉人亂

危懷公出走

无妄 乘風上天為時服軒周旋萬里無有患難

大畜 大樹百根比與山連文君作義受福萬年

頤 陽伏在下陰制祐福生不逢時潛龍隱處

大過 亂頭多憂搔蟲生愁膳夫仲年使我無聊



坎 江河淮海天之都市商人受福國家富有

離 泰山幽谷鳳凰遊宿禮義有序可以求福

咸 水山暴怒壞梁折柱稽難行旅留連愁苦

恒 阿衡服箱太一載行延時歷舍所之吉昌

遯 三宿無主南行勞苦東里失利喪其珍寶

本卦  
剝同

大壯 生無父母出門不喜賈椒失粟亡我大利

晉 安坐玉堂聽樂行觴飲福萬鍾日受無疆

明夷 登危入厄四時變易春霜夏雪物皆凋落

家人衣空履穿無以禦寒細小貧窶不能自好

睽目不可合憂來搔足怵惕恐懼去其邦域

塞齋貝贖狸不聽我辭繫於虎鬚牽不得來

解伯夷叔齊貞廉之師以德防患憂禍不存芳聲後

時

損張王子季爭財相制商君頑嚚不知所由

益長城既立四夷賓服交和結好昭君是福

尺千歡萬悅舉事為決獲受嘉慶動作有福

妬種一得十日益有息仁政獲民四國親睦  
升安子富有東國不殃齊鄭和親顯比以喜  
困九里十山道仰峻難牛馬不前復反來還  
井鳩杖扶老衣食百口曾孫壽考凶惡不起  
革霧露雪霜日暗不明陰孽為疾年穀大傷  
鼎迷行數却不知東西陰強暴逆道理不通  
震登高上山見王自言信理我寃得職蒙恩  
艮三世為德天祚以國封建少昊魯侯之福

漸喬木無息漢女難得禱神請佩反手離汝

歸妹 東鄰西家來即我謀中告吉誠使君安寧

豐 褰衣出戶心欲奔走王孫母驚使我長生

旅 三日不飲遠水無酒晝夜焦喉使我為咎

巽 衆口銷金慙言不驗腐臭敗兔入市不售

兌 姬冠應門與伯爭言東家失狗意在不存爭亂無

怠絕吾所歡

渙 祚加明德與我周國公劉文母福流子孫

節 針頭刺手百病瘳愈抑按捫灸死人復起

中孚 元龜象齒大賂為寶稽疑當否衰微復起

小過 故室舊廬消散無餘不如新創可以樂居

既濟 老狐多態行為蠱怪為魅為妖驚我王母終無

咎悔

未濟 愛子多材起迹空虛避害如神水不能濡

升之第四十六

升 禹鑿龍門通利水源東注滄海人民得安

乾 白鹿鳴呦呼其老少喜彼茂草樂我君子  
坤 百里南行雖微復明去虞適秦為穆國卿  
屯 王孫宜家張名益有龍子善行西得大壽  
蒙 畫龍頭頸文章不成甘言善語譎辭無名  
需 商子無良相怨一方引鬪交爭咎以自當  
訟 衰老困極無齒不食痔病瘡瘵就陰為室  
師 鴛生會稽稍巨能飛翱翔桂林為衆鳥雄  
比 安平不傾載福長生君子以寧

小畜 牛驥同槽郭氏以亡國破為墟君奔走逃

履 日中明德兩國盛興仁聖會遇君受其福臣多榮

祿

泰 公劉之居太王所業可以長生拜受福爵

否 時凋歲寂君子疾病宋女無辜鄭受其殃

同人 濟河踰厄脫母怵惕四序為衛使惠不廢

大有 缺破不完殘際側偏公孫幽遏跛倚後門

謙 延頸遠望昧為目病不見叔姬使伯心憂

豫上無飛鳥下無走獸擾亂未清民勞於事

隨久陰霖雨塗行泥潦民人休止市空無有

蠱盲者目張跛倚起行瞻望日月與主相迎

臨据斗運樞順天無憂與樂並居萬代歡慶

觀稼穡不偏重適不傾巧言賊忠傷我申生

噬嗑金城鍊郭上下同力政平民歡寇不敢賊

賁日鏡不明冬災大傷盜花失實十年消亡

剝鰥寡孤獨命祿苦薄入室無妻武子悲哀



復飲酒醉飽跳起爭鬪伯傷叔僵東家治喪

无妄介召微子使君不殆二國合歡燕齊以安

大畜牽頸繫尾詘折幾死彫世無仁不知所比

頤東龍究毒不知所觸南北困窮王子危急

大過疾貧王孫北極無輝祿命苦薄兩守孤門

坎公孫駕車載遊東齊延陵故產遺季紵衣

離王良善御伯樂知馬文王東獵獲嘉賢士開福佑

周發且興起

咸 日月不居重耳趨舍遊燕入秦晉國是霸

恒 假文翰翼隨風背北至虞夏國與舜相得年歲大

樂邑無盜賊

遯 南行北走延頸望食舉口失利累我子孫

大壯 開市作喜建造利事平準貨寶海內殷富

晉 三犬俱走鬪於谷口白者不勝死於坂下

明夷 驕胡火形造惡作凶無所能成還自滅身

家人 拜跪贊辭無益於尤大夫頑嚚使我心憂

睽辰次降婁王嘉巡狩廣佑施惠萬國咸喜子孫榮  
品長安不死

蹇牽踰上樓與福俱遊勞躬治國安樂無憂

解白鳥銜餌嗚呼其子旋枝張翅來從其母

損盲聾獨宿莫與共食老窮於人病在心腹

益登木出淵稍上升天明德孔聖白日載熒寵祿再

榮

夫彭離濟東遷之上庸狼戾無節失其寵功

姤 讚陽上舞神明正氣禹拜受福君使我德居則厚

祿

使一作死

萃 從首至足部分為六室家離散逐南乞食

困 民迷失道亂我統紀空使乾華賔無所有先憂後

樂

井 刻畫為飾毛嫱西施求事必得

革 日居月諸遇暗不明長夜喪車絕其紀綱

鼎 衣裳顛倒為王來呼成就東周封受大侯

震 當變立權 擲解患難 渙然水釋 六國以寧

艮 西戎獯鬻 病於我國 扶陽之正 以保乾德 終無患

惑

漸 南行逐羊子 利喜亡陰孽 為病復返其邦

歸妹 遊戲仁德 日益有福 凶言不至 妖孽滅息

豐 春日新婚 就陽日溫 嘉樂萬歲 獲福大椿

旅 陰升陽伏 鬼哭其室 相飾不食 安巢如棘

鬼一作癸

巽 臣尊主卑 權威日衰 侵奪無光 三家逐公

允 反言為賊戎女生患亂吾家國父子相賊

渙 迎福開戶喜逐我后康伯愷悌治民以禮

節 日就月將昭明有功靈臺觀賞膠鼓作仁

中孚 百草嘉卉萌芽將出昆蟲扶戶陽明所得

小過 天所佑助福至禍去君主何憂

既濟 窮夫失居惟守舊廬初憂中懼終日兢兢無悔

無虞

未濟 買玉得石失其所欲荷蕢擊磬隱耳無聲

困之第四十七

困 席多針刺不可以卧為身作累動而有悔言行俱過

乾 烏鵲食穀張口受哺蒙被恩德長大成就柔順利貞君臣合好

坤 六鵷退飛為褻敗祥陳師合戰左股夷傷遂以薨崩霸功不成

屯 匍匐出走驚惶悼恐白虎生孫蓐收在後居中无

答

蒙庇廬不明使禮德妨女孽亂國虐政傷仁

需碩鼠四足不能上屋顏氏淑德未有爵祿

訟襄送季女至於蕩道齊子旦夕留連久處

師麋鹿遂牧飽歸其居還於次舍樂得自如

比望尚阿衡太宰周公藩居輔弼福祿來同

小畜開廓洪緒王迹所居振以公子功德俟時

履八會大都饒富有餘安民利國可以長居

八疑當  
作入



泰陰雲四方日在中央人雖昏霧我獨昭明

否薄為災虐大風吹却欲上不得復歸其宅

同人昭昭略略非忠信客言多反覆以黑為白

大有三女為姦俱遊高國背室夜行與伯笑言禍反  
及身冤無所禱

謙涉尸留鬼大斧所視文昌司過簡公亂死

豫大足長股利出道困合充盈疏齒善市宜以錢  
富事得萬倍

隨 筐筥錡金河活百呂伊氏鼎俎大福所起

蠱 升高登虛欲有望候駕之北邑與喜相扶

臨 用彼嘉賓政平且均螟蟲不作民得安寧

觀 桃夭少華婚悅宜家君子樂胥長利止居

噬嗑 東行失旅不知所處西歸無配莫與笑語

賁 玩好亂目巧聲迷耳賊敗貞良君受其殃

剝 明德孔嘉萬歲無虧駕龍巡狩王得所安

復 同本異葉安仁尚德東隣慕義來興古國

无妄 戴山崔嵬日高無顏君王好德賜以嘉國

大畜 築室合歡千里無患周公萬年佑我三人壽以

高遠

頤 養雞生雛畜馬得駒明堂太學君子所居

大過 雷行相逐無有休息戰於平陸為夷所覆

坎 委蛇循河至北海涯涉歷要荒在世無他

離 鴻聲大視高舉神化背昧皆明以通福功

咸 比目四翼安我邦國上下無患為吾家福

恒士穀蕤季反謀桓子不從元帥遂行挑戰為荆所敗

遜三頭六足欲盜東國顏子在庭禍滅不成

大壯緣山升木中墮於谷子與失勞黃鳥哀作

晉南有嘉魚駕黃取鮑魴鯉瀾瀾利來無憂

明夷遽烝作雲蒙覆大臣塞聰閉明殷人賈傷

家人舉翅攄翼跣望南國延頸卻縮未有所得

睽坎中蝦蟆乍盈乍虛三夕二朝形消無餘

塞 僮或射御不知所定質疑著龜孰可避之國安上  
樂宜利止居兵寇不作民無騷憂

解 陰淫寒疾水流其室舟楫大作傷害黍稷民饑於  
食不無病厄

損 離友絕朋巧言讒匿覆白污玉顏叔哀哭

益 童女無媒不宜動搖安其室廬傳母何憂

傳一作傍

夬 作凶造患北榭困貧東與福連傷我左根

榭一作檄

姤 東南其戶風雨不處矐睨仁人父子相俦

萃被髮獸心難與比隣來如飄風去似絕絃為狼所殘

升天覆地載日月運照陰陽允作方內四富  
井桀亂無道民散不聚背室棄家君孤出走  
革申酉敗時陰匿萌作荷葭載牧泥塗不白  
鼎蹀躞足傷左指病瘍失旅後時利走不來  
震四足俱走駕疲在後俱戰不勝敗於東野  
艮塗行破車醜女無媒莫適為耦孤困獨居

漸搏髀大笑不知憂懼開立大路為王所召  
歸妹伯主東行與利相逢出既遭時孰不相知  
豐東行賊家鄭伯失辭國無貞良君受其殃  
旅前屈後曲形體勁急絞黑大索困於清室  
翼鼓翼大喜行嫁飲酒嘉彼諸姜樂我皇考  
允狐嘈向城三旦悲鳴邑主大驚

渙明德光敏重華貢舉被勲徵用公哲蒙佑

節秋隼冬翔數被嚴霜甲兵充庭萬物不生鷄犬夜

鳴民大擾驚

克疑  
作充

中孚 絲紵布帛人所衣服摻搔女手紡績繕織南國

饒足取之有息

小過 鳳有十子同巢共母懼以相保富市之地多財

積穀

穀疑  
作穀

既濟 雄雞不晨雌雞具呻志疵心離三旅生哀

離一  
作輕

未濟 光休出城陳寶雞鳴陽明失道不能自守消已

為咎



井之第四十八

井 躓跛未起失利後市不得磨子

乾 左輔右弼金玉滿堂常盈不亡富如敝倉

坤 雨師娶婦黃巖季女成禮既婚相呼南上膏澤下

土年歲大喜

屯 螟蟲為賊害我嘉穀中留空虛家無所食

蒙 跛躓難步道不及舍露宿澤陂亡其襦袴

需 大夫祈父無地不涉為吾相土莫如韓樂可以居

止長安富有

訟少孤無父長失慈母悖悖  
梵梵莫與為耦

師側弁醉客長舌作凶披髮  
夜行迷亂相誤亡失居處

比馬驚車破王墜深津身絕  
魂去離其室廬貞難無虞

小畜東行述職征討不服侵  
齊伐陳銜璧為臣犬得

意還

犬宜  
作大

履百足俱行相輔為強三聖翼事王室寵光  
泰根本不固華葉落去更為孤嫗

否牧羊稻園聞虎喧謹畏懼怵惕終無禍焉

同人履位乘勢靡有絕弊為隸所圖與衆庶伍

大有大興多塵小人傷賢皇甫司徒使君失家

謙安如泰山福祿屢臻雖有狼虎不能危身

豫同氣異門各別東西南與凶遇北傷其孫

隨蜺見不祥禍起我鄉行人畏懼邑客逃藏

蠱 養虎畜狼還自賊傷無事招禍自取災殃

臨 順風吹火幸附驥尾易為功力因權受福

觀 五岳四瀆沾濡為德行不失理民賴恩福

噬嗑 延陵聰敏聽樂太史鷄鳴大國姜氏受福

賁 神鳥五氣鳳凰為主集於王國使君得所

剝 媒妁無明雖期不行齊女長子亂我紀綱

復 明月作晝大人失居衆星宵亂不知所據

无妄 少康興起誅澆復祖微滅復明宮祀大禹

大畜 千門萬戶大福所處黃屋左纛龍德獨右

頤 乾作聖男坤為智女配合成就長住樂所

大過 羿張烏號射驚狼鐘鼓夜鳴將軍壯心趙國  
雄勇鬪死滎陽

坎 灸魚銅斗張伺夜鼠不忍香味機發為崇崇在頭  
頸

離 高飛不視貪饕所在臭腐為患自害其身  
一作竊位貪榮

內汚外清時時  
暫過日日禍生

咸鉛刀攻玉堅不可得盡我筋力胝胼為疾

恒方喙宣口聖智仁厚解釋倒懸歷國安泰

遯跼蹢南北誤入喪國社季利兵傷我心腹

大壯公孫之政惠而不煩喬子相國終身無患

晉弧矢大張道絕不通小人寇盜君子塞壅

明夷藏戟之室封豕受福充澤肥腴子孫蕃息

家人八子同巢心勞相思雉苦無憂

睽循理舉手典求相予六休相磨終無殃咎

塞公子王孫把彈攝丸發輒有獲室家饒足

解井渚有悔渴蜨為怪不亟徒鄉家受其殃

徒當作徒

損鄭澮有聲國亂失傾弘明早見止樂不能

益穿室鑿墻不直生訟褰衣涉河雖勢無功

夾胎卵胞乳長大成就君子萬年動有利得

妬五心乖離各引是非莫適為主道路塞壅

萃百柱載梁千歲不僵大願輔福文武以昌

升營城洛邑周公所作世連三十年歷七百福佑鼎

實堅固不落

連當作運  
七當作八

困從叔旅行食於東昌嘉伯悅喜與我芝香

革失耳聾蔽不曉聲味委以鼎俎方始亂憤

鼎訾姒開門鶴鳴彈冠文章進用舞韶和鸞三仁翼

政國無災殃

震遊魂六子百木所起三男從父三女隨母至已而

足各得其所

艮兩山崩使革君娟好皇女長婦多孫衆子



漸黃虹之野賢君所在榮段為相國無災殃  
歸妹穿鑿道路為君除舍開闢福門喜在我隣  
豐商風敷起天下昏晦旱魃為虐七凡兵作  
旅自衛反魯時不我與永炭異室仁道閉塞  
與春陽生草夏長條枝萬物蕃滋充實益有  
允六蛇奔走奔入茂草驚於長住畏懼喙口  
渙明月照夜使暗為晝國有仁賢君尊於故  
節避地東走反入虎口制於爪牙骨於灰土

中孚 傾迭不行弱走善僵孟繫無良失其寵光

小過 十年俱見黃頭為首歲尾民安國樂无咎

既濟 望風入門來到我隣鋪吾養均

未濟 登高連返視失彌遠虎口不張害賊消亡

革之第四十九

革 馬眠長股宜行善市皆蒙福佑獲金三倍

乾 高原峻山陟大少泉草木林麓喜得所畜

坤 一門二關結弭不便峻道異路日暮不到

屯憂患解除喜至慶來坐立懽門與樂為隣

蒙疎類異路心不相慕牝牛牡獫狫無室家

需太王為父王季孝友文武聖明仁政興起旦隆四  
國載福綏厚

訟臨河求鯉燕婉笑弭屏氣攝息不得鯉子

師買利求福莫如南國仁德所在金玉為寶

比白虎赤憤門觀王庭宮闕被甲大小出征天下煩

憤育不能嬰

小畜 子車鍼虎善人危殆黃鳥悲鳴傷國無輔

履 兩目失明入暮無光脛足跛步不可以行頓於丘

傍

泰 羅網四張鳥無所翔征伐困極饑窮不食

窮一作寒

否 伯夷叔齊貞廉之師以德防患憂禍不存

歸妹之臨泰之

乾比之剄

同人 疾貧望幸使伯行販開牢擇羊多得大牂

大之觀否

坎之

大有 南山之楊其葉將將嘉樂君子為國寵光

謙 東壁餘光數暗不明主母嫉妬亂我事業

豫 迷行晨夜道多湛露沾濡襦袴重不可步

隨 目睟足動嘉喜有頃舉家蒙寵

蠱 鷹鷄欲食雉兔困急延頸見尾為我所賊

臨 鼻移在項枯葉傷生下枯上榮家擾不寧失其金

城

觀 飛不遠去汝為內傷祿養未富終無災咎君善安

止

噬嗑

倒基敗筥重舌作凶被髮長夜迷亂相誤深亡

吉居

賁

亥午相錯敗亂緒業民不得作

剝

野麋畏人俱入山谷命短不長為虎所得死於牙

腹

復

秋冬探巢不得鵲鷦銜指北去愧我少姬

觀之屯

无妄

雙鳬俱飛欲歸稻池經涉藿澤為矢所射傷我

宵臆

屯履咸同

大畜

天門開闢牢戶寥廓桎梏解脫拘囚縱釋

小畜之泰

謙塞之

頤

尼父孔丘善釣鯉魚羅網一舉得獲萬頭富我家

居

漸之明夷

大過

彭生為妖暴龍作災盜堯衣裳聚跖荷兵青禽

照夜三日夷亡

坎

華言風語亂相誑誤終無凶事安寧如故

咸之頤

離 延頸見足身困名辱欲隱避仇為害所滅

咸 無足斷跟居處不安凶惡為殘君臣相得

一作君臣得安

和合於天係下  
奠上大相蒙湛

恒 三人俱行北求大祥孟長病足借季負糧柳下之

貞不失驪黃

遯 退飛見祥傷敗毀墜守小失大功名不遂

大壯 持心懼怒善搖數動不安其處散渙府藏利得

無有



晉牽尾不前逆理失臣怒朔以奔

明夷 祿如周公建國洛東父子俱封

家人 君有八人信允篤敏為堯所舉

睽 久陰霖雨泥塗行潦商人休止市空無有

蹇 無足斷跟居處不安凶惡為殘

夫之大過

解 馬蹄躓車婦惡破家青蠅污白恭子離居

損 嚙嚙所言莫如我垣懽樂堅固可以長安

乾之困大有之

屯

益懿公淺愚不受深謀無援失國為狄所滅

大騏驎綠耳章明造父夙伯奉獻衰續厥緒佐文成  
伯為晉元輔

妬駕車十里求鮮魴鯉非其肆居自今後市

萃求靡嘉鄉惡地不行道止中返復還其牀

升使鴈負裝醉卧道傍不知何公竊我衣囊

困登崑崙入天門過糟丘宿玉泉開惠觀見仁君

井木為大牀患厭不起季伯夜行與善相逢

鼎 烏孫氏女深目黑醜嗜欲不同過時無耦

震 子鉏執麟春秋作陰元聖將終尼父悲心

豫之大有

艮 灼火泉源釣魴山巔魚不可得火不肯燃

鼎之旅

漸 天馬五道炎火久處往來上下作文約已衣梟絲

麻相隨笑歌凶惡如何

歸妹 鷓鴣破斧冲人危殆賴旦忠德轉禍為福危傾

復立

否之蠱同

豐 牡飛闕啟憂患大解不為身禍

旅 石門晨門荷蕢食貧遁世隱居竟不逢時

吳 兔聚東郭衆犬俱獵圍缺不成無所能獲

允 三羊羣走雉兔驚駭非所畏懼自令勞苦

渙 羽翮病傷無以為強宋公德薄敗於水泓

節 姬姜雅叔三人偶食論仁議福以安王室

中孚 精誠所在神人為輔德教亡患彌世長久三聖

仍事多受福祉

小過 岐周海隅獨樂不憂可以避難全身保財

既濟 孤獨特處莫為依輔心勞志苦

未濟 顧望登臺意常欲逃買妾醜惡妻不安夫

鼎之第五十

鼎 積德之君仁政且溫伊呂股肱國富民安

乾 傾筐卷耳憂不能傷心思古人悲慕失母

坤 卻叔賈貸行祿多悔利無所得

屯 蹶足狂跛怪碎不行棄捐平人名字無申

蒙 文王四乳仁愛篤厚子畜十男夭折無有

欽定四庫全書

焦氏易林  
卷四

需 容民畜眾不離其君

訟 三雉相逐蠅墜釜中灌沸潦殪與母長決

師 所望在外鼎令方來拭爵滌壘炊食待之不為李

憂

比 陸居少泉高山無雲車行千里塗汚爾輪亦為我

患

小畜 東家殺牛汚鳧腥臊神背西顧命絕衰周毫社

災燒宋人夷誅

睽之  
明夷

履 長子入獄婦饋母哭霜降旬日嚮晦伏法

泰 溫山松柏常茂不落鳳凰以庇得其歡樂

否 大屋之下朝多君子德施溥育宋受其福

同人 羅張目列圍合有缺採捕無功魚鳥得脫

大有 羔裘豹衣高易我字君子維好至老無憂

謙 大頭明目載受福喜三雀飛來與祿相得

豫 銷鋒鑄耜縱牛放馬甲兵解散夫婦相保

晉同

隨 吉日車攻田弋獲禽宣王飲酒以告嘉功

欽定四庫全書

焦氏易林  
卷四

蠱 商人行旅資無所有貪貝逐利留連王市輟轅內

安君子何咎

臨 火入井口陽芒生角犯歷天門窺見太微登上玉

牀家易其公

觀 秋隼冬翔數被嚴霜甲兵充庭萬物不生雄父夜

鳴民擾大驚

噬嗑 東行西步失其次舍乾侯野井昭君喪居

賁 腫脰病腹陷廁污辱命短時極孤子哀哭

剝切膚近災虎絕我鬚小人橫暴君子何災  
復女室作毒為我心疾和弗能治晉人赴吉

无妄兵征大宛北出玉門與胡寇戰平城道西七日  
絕糧身幾不全

大畜十子夫九莫適與居貞心不宣至今名孤  
頤車行稻麥遂至家國樂土無災君子何憂

大過作室山根所以為安一夕崩巔破我饔飧  
坎六人俱行各遺其囊黃鵠失珠無以為明

離 伯蹇叔盲莫為守裝失我衣裘我是陰邦

咸 褒寵溢尤敗政傾家覆我宗國秦滅周室

恒 詭言譯語仇禍相得冰入炭室消滅不息

遯 彭生為妖暴龍作災盜堯衣裳聚跖荷兵青禽照

夜三日夷亡

大壯 朝暮日月四馬過隙歲短期促時難再得

晉 耳闕道喪所為不成所求匪得

明夷 申公患楚危不自安重耳出奔側喪其魂

家人 南上泰山困於空桑左沙右石牛馬無食

睽 海隅遼右福祿所在柔嘉義禮九夷何咎

蹇 陽春生長萬物茂壯垂秋布葉君子比德

解 低頭竊視有所畏避行作不利酒酸魚敗衆莫貪

嗜

損 左輔右弼金玉滿堂常盈不亡富如廩倉

師之歸妹

益 坐朝垂軒據德宰民虞叔受命六合和親

夬 東行西走喪其犬馬南求驂騑失車林下



妬 砥德礪材果當成周拜受大命封為齊侯

萃 西逢王母慈我九子相對歡喜王孫萬戶家蒙福

祉

升 安坐玉牀聽韶行觴飲福萬歲曰壽無疆

困 登高望家役事未休王事靡盬不得逍遙

井 擊鼓陷阨不得相踰章甫文德福厭禍消

革 追亡逐北呼還幼叔至止而德復歸其室

震 老猾大猱東行盜珠困於噬菽幾不得去

艮 禹召諸神南山會稽執玉萬國天下康安

姑之臨

漸 怵怵怛怛如將不活黍稷之恩靈輒以存獲生保

年

蒙之損

歸妹 俟叔興起季子富有照臨楚國蠻荆是安

豐 白馬駿騮更生不休富我商人利得如丘

旅 灼火泉源釣魴山巔魚不可得火不肯燃

革之艮

巽 避患東西反入禍門糟糠不足憂動我心

兌 我王多寵商人惶恐生其禍心使我危殆終無災

咎

渙 虎饑欲食見狷而伏禹通龍門避咎除禍元醜以

安

節 安民呼池玉杯大案泉如白蜜一挹獲願

中孚 雙鳬鴛鴦相隨羣行南至饒澤食魚與梁君子

樂長

澤一作洋

小過 蔡侯朝楚留連江渚踰時歷月思其君后

既濟 膠車駕東與雨相逢五檠解墮頽杙獨坐憂為

身禍

未濟

螟蟲為賊害我稼穡盡禾殫麥秋無所得

同人  
之節

豫之  
謙

震之第五十一

震 枯瓠不朽利以濟舟渡踰江海無有溺憂

乾 陷塗溺水火燒我履憂患重累

坤 旦生夕死名曰嬰鬼不可得祀

小畜  
之升

屯 揚水潛鑿使石潔白衣素表朱遊戲臯澤得君所

願心志娛樂

豫之大過

蒙 衆鳥所翔中有大怪九身無頭魂驚魄去不可以

居

需 剛根枯株不生肌膚病在於心身以焦枯

訟 府藏之富王以振貧捕魚河海罟網多得

損之睽坎之大

過

師 一莖九躍更用牽攀安明俯仰不得東西讚獻當

決日午被刑

比 羣老鮐背齒牙動搖近地遠天下入黃泉

小畜 羊舌叔虎野心善怒黷貨無厭以滅其身

履 訐疑八子更相欺給管叔善政不見邪期

泰 絆逃不遠心與言反尼丘顧家茅簷朱華

否 蜉蝣戴盆不能上山搖推跋踖頓傷其顏

同人 朝露不久為恩惠少膏澤欲盡咎在枯槁

大有 河伯之功九州攸同載祀六百光烈無窮

謙 三人北行大見光明道逢淑女與我驥子

豫 金精耀怒帶劒過午徘徊高庫宿於木下兩虎相  
距弓弩滿野

隨 江河淮海天之奧府衆利所聚可以富有安樂無  
憂

蠱 不虞之患禍至此門奄忽暴卒病傷我心

臨 畫龍頭角文章未成甘言美語說譯無名

觀 缺破不成胎卵不生不見兆刑

晉之  
蓋

噬嗑 旁行不遠三里反復心多畏惡日中止舍

賁 四瀆不安兵革為患探我妻子家復饑寒

剝 喜來如雲舉家蒙歡衆財君子嘉福盈門

睽之豐

復 載金販狗利棄我走藏匿淵底折晦為咎

艮之革

无妄 日中為市各抱所有交易貨賄函珠為寶心悅

### 歡喜

大畜 日趨月步周遍次舍經歷致遠無有難處

頤 陽明失時陰凝為憂主君哀泣喪其元侯

大過 年衰歲暮精魂遊去形容消枯哀子相呼



坎 少無功績老困失福  
跌行跛踣不知所立

離 持心耀日善數搖動  
自東徂西不安其處  
渙散府

藏無有利得

咸 齋貝贖狸不聽我辭  
繫於虎鬚牽不得來

需睽否  
革同人

師 否隨

恒 老狼白獠長尾大胡  
前顛後躓岐人悅喜

遯 背地相憎心志不同  
如火與金君猛臣懾  
虎行兇

伏

大壯 夏臺羨里湯文厄處鬼侯歆醢岐人悅喜

晉 牙孽生齒螳螂啟戶幽人利貞鼓翼起舞

明夷 烈女無夫閔思苦憂齊子無良使我心愁

家人 踐履危難脫厄去患入福喜門見我大君

我一作海

睽 折臂接手不能進酒析杞閑曠神怒弗喜

蹇 蟻封戶穴大雨將集鵲數起鳴牝鷄歎室相薨雄

文來到在道

解 胡俗戎狄太陰所積涸洌寒君子不存

損 翁翁鞫鞫稍顛崩顛滅其令名身不得全  
益 螟蟲為賊害我稼穡盡禾殫麥秋無所得  
大 三鳥飛來自我逢時俱行先至多得大利  
妬 龍馬上山絕無水泉喉唇焦乾渴不可言  
萃 春生子乳萬物蕃熾君子所集禍災不至  
升 王孫李子相與為友明允篤誠升擢薦舉  
大有之小過  
困 六明並照政入有統秦楚戰國民受其咎  
井 蝦蟇充側佞人所惑女謁橫行正道壅塞

革 登崑崙入天門過糟丘宿玉泉開惠觀見仁君

之比

姤革  
之困

鼎 體重飛難未能越關不離空垣

艮 玄黃虺隤行者勞罷役夫憔悴踰時得歸

乾之革  
師之臨

得作  
不

漸 孔德如玉出於幽谷飛上高木鼓其羽翼輝光照

國

同人  
之坎

歸妹 火雖熾在吾後寇雖衆在吾右身安吉不危殆

豐旃裘羶國文禮不飾跨馬控弦伐我都邑

豫之需

旅被髮八十慕德獻服邊鄙不聳以安王國

弭心得所好口常欲笑公孫蛾眉鷄鳴樂從

允馬西負乘見邑之野并獲梁稻喜悅无咎

渙高飛視下貪饗所在腐臭為患害於躬身

節東行西步失其次舍乾侯野井昭公喪居

鼎之噬嗑

中孚神鳥五彩鳳凰為主集於山谷使年歲育

小過石門晨門荷蕢食貧遁世隱居竟不逢時

革之張

既濟 翻翻齧齧貧鬼相責無有懽怡一日九結  
未濟 白日揚光雷車避藏雲雨不行為止其鄉

艮之第五十二

艮 君孤獨處單弱無輔名曰困苦輔心湧泉碌碌如  
山

乾 憂驚已深禍不為災安全以來

坤 穿匏浥水搆鐵熒火勞疲力竭饑渴為禍

屯 蹇牛折角不能載粟災害不避年歲無穀

蒙邑將為墟居之憂危

需根剗樹殘花葉落去卒逢火焱隨風僵仆

訟元后貪欲窮極民力執政乖劣為夷所覆

師北山有秦使叔壽考東嶺多粟宜行賈市陸梁雄

雉所至利喜

比高原峻山陸土少泉草木林麓嘉禾所災

小過辰次降婁王駕巡狩廣施德惠國安無憂

履輶輶輶歲暮偏弊寵名復棄君衰於位

泰放銜委轡奔亂不制法度無常君失其位  
否獨登西垣莫與笑言秋風多哀使我心悲  
同人脛急股攣不可出門暮速羣旅必為身患  
大有情偽難知使我偏頗小人在位雖聖何咎  
謙泰稷醇醲敬奉山宗神嗜飲食甘雨嘉祥庶物蕃  
茂時無災咎獨蒙福祉

豫公子王孫把彈攝丸發輒有獲室家饒足  
隨陰升陽伏舜失其室元元赤子相餒不食



蟲 七竅龍身造易八元法天則地順時施恩引和貴

長以富永存

臨 逐孤東山水過我前深不可涉失利後便

姤之終  
漸之夫

蒙之

蟲

觀 銜命辱使不堪其事中墜落去更為負載

噬嗑 溫仁君子忠孝所在八閩為儀禍災不起

賁 春多膏澤夏潤優渥稼穡熟成數獲百斛師行以

律霸功不遠

剝二女同室心不聊食首髮如蓬憂常在中

復築闕石顛立本泉源病疾不安老孤為隣

无妄欲避凶門反與禍隣顛覆不制痛薰我心

大畜踧行竊視有所畏避狸首伏藏以夜為利

頤八面九口長舌為斧斲破瑚璉殷商絕後

大過和氣相薄膏澤津液生我嘉穀

坎消金鑄兵雷車不行民安其鄉

離秦儀機言解其國患一說燕下齊相以權

咸旦爽輔王周德孔明越裳獻雉萬國咸寧

恒弱足則跟不利出門賈市無過折亡為患

遯堅冰黃鳥常哀悲愁不見甘粒但覩藜蒿數驚鷺

鳥為我心憂

乾之噬嗑  
益之大過

大壯魂微惛惛屬續聽絕豁然大通復更生活

晉陰生麋鹿鼠舞鬼谷靈龜陸處

一云靈鼠陸  
處鬼哭鼠舞

金甌

草土人知敗國桀亂無緒

明夷鑿諸攻玉無不穿鑿龍體吾舉魯班為輔舞鳳

成形德象君子

家人 山作天時陸為海口民不安處

睽 東風啟戶隱伏懽喜萌庶蒙恩復得我子

蹇 華燈百枝植暗衰微精光欲盡命如灰縻

解 三十無室寄伯桑中上宮長女不得樂同

損 卯與石鬪縻碎無處勤而有悔出不得時

勤疑作動

益 尋兵爭強失其貞良敗我殽鄉

夬 虐除善疑難為攻醫驥窮鹽車困於銜御

妬操笥搏狸荷弓射魚非其器用自令心勞

萃葵丘之盟獻晉會庭見太宰辭後秦還興

升牘詐龐子夷竈書木伏兵卒發矢至如雨魏師驚

亂將獲為虜

困南行出城世得大福王姬歸齊賴其所欲以安邦

國

井冬采薇蘭地凍堅難雖利奔走暮無所得

堅難一作永堅

革王喬無病狗頭不痛亡破失履乏我徒從

鼎宛馬疾步盲師坐御自不見路中止弗到  
震求我難國亡去我北憂歸其域反為我賊  
漸比目四翼安我邦國上下無思為我嘉福

歸妹八材既登以成嘉功虜降庭堅國無災凶

豐消弊穿空家莫為宗奴婢逃走子西父東為身作  
凶

旅鳥舞國城邑懼卒驚仁德不修為下所傾  
吳五穀不熟民苦困急駕之南國嘉樂有得

允黃裳建元病得在身福佑洋溢封為齊君賈市無門富貴多殮

渙齊東郭廬嬪於洛都俊良美好利得萬倍

節安牀厚褥不得失宿棄我嘉宴困於南國投杼之憂不成禍災

中孚內崩身傷中亂無恒雖有美粟不得其食小過出門逢患與禍為怨更有挐刺傷我指端既濟出入節持南北無憂行者即至在外歸來

未濟 公孫駕車載遊東齊延陵說產遺李紵衣

漸之第五十三

漸 別離分散長子從軍稚叔就賊寡老獨安莫為種

瓜

乾 旦種穀豆暮成藿羹心之所願志快意慚

坤 牡飛門啟憂患大解不為身禍

屯 東山西山各自止安雖相登望竟未同堂

姤之坤艮

蒙 衆鳥所翔中有大怪九身無頭魂驚魄去不可以



居

震之蒙

需 交侵如亂民無聊賴追我濟西狄人使殫

訟 麟鳳所翔國無咎殃賈市十倍復歸惠鄉

師 鑿井求玉非卞氏宅身困名辱勞無所得

比 文山鴻豹肥腩多脂王孫獲願載福巍巍

小畜 周成之隆刑措除凶太宰費祐君子作仁

履 珪璧琮璋執贄見王百里甯戚應聘齊秦

需之升  
否之訟

泰 穿空漏弊破桴殘缺陶弗能治瓦甃不鑿

否

鴻飛循陸公出不復伯氏客宿

揭之塞

同人

蝦蟇羣聚從天請雨雲雷連集應時輒下得其

所願

大過之升

大有

先弱無子不能自理為民雖憂終不離咎管子

治國侯伯賓服乘輿八百尊我桓德

謙

搖梅折枝與母別離絕不相知

豫

盛中不絕衰老復拙盈滿減虧瘕癰脂肥鄭昭失

國重耳興起

一云盛去必衰羸去却肥鄭昭失國重耳得時

隨聞虎入邑心欲逃匿走據陽德不見霍叔絕無憂  
慝

蠱隨時逐便不失利門多獲得福富於封君

臨禹作神鼎伯益銜指斧斤既折幢立獨倚賣市不  
售枯槁為禍

觀春鴻飛東以馬貨金利得十倍重載歸鄉

噬嗑金齒鐵牙壽考宜家年歲有餘貪利者得雖憂

无咎

賁 膏澤沐浴洗去污辱振除災咎更與壽福

洛一作德

剝 履皆登墀高升峻巍福祿洋溢依天之威

復 坤厚地德庶物蕃息平康正直以綏大福

无妄 絕域異路多所畏惡使我驚惶思吾故處

大畜 襁褓孩幼冠帶成家出門如賓父母何憂

遷之恒

頤 一尋百節綢繆相結其指詰屈不能解脫

大過 鷹鷂獵食雉兔困極逃走見尾為人所賊

坎 危坐至暮請求不得膏澤不降政戾民忒

離剛柔相呼二姓為家霜降既同惠我以仁

咸慈母念子饗賜德士蠻夷來服國人懽喜

恒良夫孔姬負慳登臺藥季不扶衛輒走逃

遯子長忠直李氏為賊禍及無嗣司馬失福

大壯節慶之德不涉亂國雖昧無光民受大福

晉驅羊南行與福相逢狼驚我馬虎盜我子悲恨自

咎

明夷尼父孔丘善釣鯉魚羅網一舉獲利萬頭富我

家居

家人 本根不用華葉落去更為孤嫗

睽 設罟捕魚反得居諸負困竭忠伍氏夷誅

蹇 敏捷亟疾如猿集木彤弓雖調終不能獲

解 冠帶南行與福相期邀於嘉國拜位逢時

損 年豐歲熟政仁民樂祿人獲福

益 築闕石巔立基水源疾病不安老孤無隣

夬 逐狐東山水遏我前深不可涉失利後還

蒙之蠱  
姤之巽

民之  
臨

妬  
麟子鳳雛生長嘉國和氣所居康樂溫仁邦多聖  
人

萃  
西行求玉莫得卞璞反得凶惡使我驚惑

升  
心狂志悖聽視聾盲正命無常下民多孽

困  
高國少子才略美好求我長女賤薄不與反得醜

惡後乃大悔

噬嗑  
之大

井  
逶迤高源家伯妄施亂其在官

革 謝恩拜德東歸吾國歡樂有福

鼎 鷄鳴同舉思配無家執佩持鳧莫使致之

震 凶重憂慮身受誅罪神不能解

艮 虎豹熊羆遊戲山谷仁賢君子得其所欲

謙之中孚

歸妹 海隅遼右福祿所至柔嘉蒙祉尤夷何咎

豐 華首之山仙道所遊利以居止長無咎憂

謙之井

旅 甲乙戊庚隨時轉行不失常節萌芽律屈咸遠生

出 各順其類

歸妹之同人



弭 跣躓未起失利後市不得鹿子

允 惟恃自負不志於下血從地出誅罰失理

渙 江河淮海天之都市商人受福國家饒有

節 節情省慾賦歛有度家給人足且貴且富

中孚 牝馬鳴响求呼其潦雲雨大會流成河海

小過 日月之塗所行必到無有患故

既濟 乘風而舉與飛鳥俱一舉千里見吾愛母

明夷之鼎

未濟 陰配陽事卧木反立君子攸行喪其官職

歸妹之第五十四

歸妹 堅氷黃鳥常悲哀鳴不見甘粒但歡蔡荊數驚  
驚鳥為我心憂

乾 荆木冬生司寇緩刑威權在下國亂且傾  
坤 喘牛傷暑弗能耕畝草萊不闢年歲無有  
屯 魚欲負流衆不同心至德潛伏

蒙 春耕有息秋入利福獻豸大豸以樂成功

需 生有聖德上配太極皇靈建中授我以福

家人之需

訟 右撫琴頭左手援帶凶訟不已相與相戾失利而歸

師 炙魚拈斗陰倚碩鼠舌不思味譏發為崇竿不得去

比 申酉說服牛馬休息君子以安勞者得懽

小畜 堯門尹爵聖德增益使民不疲安無怵惕

履 孤公寡婦獨宿悲苦目張耳鳴莫與笑語

訟之歸妹

泰 外得好畜相與嫁娶仁賢集聚諮詢厥事傾奪我

城使家不寧

否 煎砂盛暑鮮有不朽去河三里敗我利市老手育  
馬去之何悔

同人 甲乙戊庚隨時轉行不失常節萌芽律屈咸達

出生各樂其類

漸之  
旅

大有 依宵夜遊與君相遭除解煩惑使心不憂

謙 無有絕明巧言為讒覆白汚玉顏叔哀音

豫 逐利三年利走如神展轉東西如鳥避丸

隨隄防壞決河水泛溢傷害稼穡民流去室君孤獨

宿沒溺我邑

蠱陰陽隔塞許嫁不答旄丘新臺悔往歎息

晉之无妄

臨伯夷叔齊貞廉之師以德防患憂禍不存

秦之革之否

比之剝

觀陽為狂悖拔劍自傷為身生殃

明夷之井

噬嗑進士為官不苦服田獲壽保年

賁耕石不生弃禮無名縫衣失針襦袴弗成

剝靈龜陸處一旦失所伊子復耕桀亂無輔

復室當原口漂溺為海財產殫盡衣食無有

无妄鷄方啄粟為狐所逐走不得食惶懼喘息

大畜家在海隅繞旋深流豈敢憚行無木以趨

頤他山之錯與璆為仇來攻吾城傷我肌膚國家騷

憂

明夷  
之井

大過弊鏡無光不見文章少女不嫁棄於其公

坎大蛇巨魚相輔殺之君臣隔塞郭公失廬

離 絕世無嗣福祿不存精神渙散離其躬身

咸 文君之德養人致福年無胎夭國富民寶憂者之  
望曾參盜息

恒 合歡之國喜為我福東岳南山朝濟成恩

遯 憂人之患履悖易顏為身禍殘率身自守與喜相  
抱長子成考封受福祐

大壯 太公避紂七十隱處卒逢聖文為王室輔

明夷  
之坤

晉 江漢上流政逆民憂陰代其陽雌為雄公

明夷 縮縮亂絲舉手為災越畝逐兔濡其衣袴

家人 臭蕪腐木與狼相輔亡夫失子憂及父母

睽 卦羊不當女執空筐兔跛鹿蹄緣山墜墮讒佞亂  
作

蹇 拔劍傷手見敵不喜良臣無佐困憂為咎

解 三殺五牂相隨俱行迷入空澤循入直北經涉六  
駁為德傷敗

損 爭鷄失羊亡其金囊利得不長陳蔡之患賴楚以



安恒之

大

益 三灑負衡南取芷香秋蘭芬馥盈滿神匱利我仲

李

夾 孟春己丑哀呼仲父明德訖終亂虐滋起

姤 履不容足南山多葉家有芝蘭乃無病疾

葉一作草

萃 三足無頭弗知所之心在精傷莫使為明不見日

光

升 戴堯扶禹從喬彭祖西過王母道路夷易無敢難

者師之  
雄

困式微式微憂禍相半隔以巖山室家分散

井靈龜陸處一旦失所伊子復耕桀亂無輔

革仁德覆洽恩及異域澤及殊方禍災隱伏蠶不作

室寒無所得

鼎夏麥麤麤霜擊其芒疾君敗國使年夭傷

震火雖熾在吾後寇雖多在吾右身安吉不危殆

震之

歸妹大有之需

良遼遠絕路客宿多悔頑嚙相聚生我畏惡

明夷之小畜

漸懸懸南海去家萬里飛兔褭駿一日見母除我憂

悔

豐困而後通難厄不窮終得其願姬姜相從

旅西賈巴蜀寒雪已沒欲前不得還反空室

吳作新初陵爛焰難登三駒推車躓頓傷頤

允延頸望酒不入我口深目自苦利得無有幽人悅

喜

渙 仲春孟夏和氣所舍生我喜福國無殘賊

節 張網捕鳩兔離其災雌雄俱得為置所賊

離當作離

中孚 三人俱行一人言北伯仲欲南少叔不得中欲

分道爭鬪相賊

小過 然諾不行欺給誤人使我露宿夜歸溫室神怒

不直鬼擊其目欲求福利適反自賊

恒之觀

既濟 陳辭達誠使安不傾增祿益壽以成功名

明夷之晉

未濟 火燒公牀家破滅亡然得安昌先憂後喪

豐之第五十五

豐情懦行賈徑涉山阻與狄為市不憂危殆利得十

倍

乾鼎足承德嘉謀生福為王間庭得心所欲

晉之大壯

坤曳綸江海釣魴與鯉王孫列俎以饗仲友

屯東山臯落叛逆不服興師征討恭子敗覆

蒙千里駢駒為王服車嘉其驪榮君子有成

需三龍北行道逢六狼莫宿中澤為禍所傷

訟 天災所遊凶不可居轉徙獲福留止危憂

師 狐狸雉兔畏人逃去分走竄匿不知所處

益之解  
睽之大

有

比 雨師娶婦黃巖季子成禮既婚相呼南上膏潤下

土年歲大有

損之益井之坤恒  
之皆本卦之大過

小畜 外棲野鼠與雉為伍瘡痍不息即去其室

履 天命絕後孤傷無主彷徨兩社獨不得酒

泰 鵠思其雉欲隨鳳東順理羽翼出次日中傾流北

邑反復其室

明夷之益需  
之離益之觀

否 蜚蛇九子長尾不死均明光澤燕自受福

同人 日走月步趨不同舍夫妻反目君主失國

小畜  
之同

人謙  
之睽

大有 定房戶室括薪除毒文德淵府害不能賊

一作  
宣房

戶室括  
卿深毒

謙 東齊郭廬嫁於洛都俊良美好多好讓主利得過

倍

豫病篤難醫和不能治命期終訖下即蒿里

臨之益

隨開郭聚業王迹所起姬德七百振以八子

蠱豐年多儲河海饒魚商客善賈大國富有

臨鵠求魚食過彼食邑繒加我頸繳挂羽翼欲飛不

能為羿所得

觀望城抱子見邑不殆公孫上堂文君悅喜

噬嗑左指右麾邪侈靡靡執節無良靈君以亡

賁日中為市各持所有交易資賄函珠懷寶心悅歡



喜

泰之升

剝 山沒丘浮陸為水魚燕雀無廬

復 馬服長股宜行善市蒙祐諧偈獲利五倍

一作終日在市詰朝

獲利既享嘉

福得久乃幾

无妄 三狸捕鼠遮遏前後死於國城不得脫走

離之遊

大畜 鬼舞國社歲樂民喜臣禮於君子孝於父

頤 慈母望子遥思不已久客外野我心悲苦

大過 雨師娶婦黃巖季子成禮既婚相呼南上膏潤

下土年歲大有

損之益恒之晉井之坤本卦之比

坎

兩狗圍室相咬爭食枉矢西流射我暴國高宗伐

鬼三年乃服

離

早霜晚雪傷禾害麥損功棄力饑無可食

離之蠱

咸

腐臭何在青繩集聚變白為黑敗亂邦國君為臣

逐失其寵光

恒

牽羊不前與心戾旋聞言不信誤給丈人

一云言語不當

誤詒丈人

遜 甘忍利害還相克敵商子酷刑鞅喪厥身

大壯 剗羊不當血少無羹女執空筐不得桑根

隨之

晉 齟齬齟齬貧鬼相責無有歡怡一日九結

震之既濟

明夷 兩足四翼飛入嘉國寧我伯姊子母相得

責之同人

家人 文山紫芝雍梁朱草生長和氣王以為寶公尸

侑食福祿來處

睽 絕世遊魂福祿不存精神渙散離其躬身

蹇 北辰紫宮衣冠立中含弘建德常受大福

解伯塞叔盲莫為守株失我衣裘代爾陰鄉

鼎之雄

損兩女共室心不聊食亂髮如蓬憂常在中

良之剝

益去卒就蓼毒愈酷甚避穽遇坑憂患日生

夬初病終凶季為死喪不見光明

姤三鳥飛來自到逢時俱行先至多得大利

同人之夬

萃鹿食山草不思邑里雖久无咎

升羊腸九縈相摧併前止須王孫乃能上天

揭之夬履之師

蠱之剝臨之巽

困管仲遇桓得其願歡膠日殺糾振冠無憂笑戲不

莊空言妄行

明夷之旅

井桀跖並處民困愁苦旅行遲遲留連齊魯

復之離

革魂孤無室銜損不食盜張氏饋見敵失肉

鼎讒言亂國覆是為非伯奇非離恭子憂哀

巽之觀

震衛侯東遊惑於少姬亡我考妣久迷不來

乾之升旅之師

艮鷄鳴同興思配無家執佩持鳧莫使致之

漸之鼎

漸義不勝情以欲自縈覲利危躬摧角折頸

坤之豐復之坤

小過  
之升

歸妹

臣尊主卑權力日衰侵奪無光三家逐公

升之

旅

叔仲善賈與喜為市不憂危殆利得十倍

巽

六蛇奔走俱入茂草驚於長路畏懼啄口

井之兌  
中孚之

家人

兌

水壞我里東流為海鳧黿謹囂不可安居

旅之  
歸妹

渙

飛不遠去卑廝內侍祿食未富

渙之  
大畜

節

陰變為陽女化為男治道大通君臣相承

屯之離  
未濟之

夬渙  
之旅

中孚 踐履危難脫厄去患入福喜門見誨大君

震之家

乾  
之

小過 網密網縮動益感急困不得息

既濟 負牛上山力劣行難烈風雨雪遮遏我前中道

復還憂者得歡

同人之无妄訟  
之剝旅之睽

未濟 喁喁嘉草思降甘雨景風升上沾洽時澍生我

禾稼

旅之第五十六

旅 羅網四張鳥無所翔征伐困極饑渴不食

革之泰  
兌之小

過

乾 寄生無根如過浮雲立本不固斯須落去更為枯

樹

小畜  
之蠱

坤 人無定法綬降牛出蛇雄走趨陽不制陰宜其家

困

屯 衆鳥所翔中有大怪九身無頭魂驚魄去不可以





居

漸之  
蒙

蒙 封豕溝瀆灌潰國邑人宿口中民多病疾

需 奮翅鼓翼翱翔外國逍遙徙倚來歸溫室

損之  
觀

訟 秋蠶不成冬種不生設王逆理棄其寵名

師 衛侯東遊惑於少姬亡我考妣久迷不來

乾之升  
豐之震

比 鳥會雀合與惡相得鵠鴉相酬為心所賊

小畜 鳴鷄無距與雀格鬪翅折目盲為仇所傷

履 木生內蠹上下相賊禍亂我國

秦延陵適魯觀樂太史車鄰白顛知秦興起卒兼其

國一統為主

坎之剝大畜之離

否輔相之好無有休息時行雲集所在遇福

同人牀傾簣折屋漏垣缺李姬不悵

大有東入海口循流北走一高一下五邑失主七夜

六日死於水浦

睽之蹇

謙羣虎入邑求索肉食大人守禦君失其國

豫四亂不安東西為患退身止足無出邦域乃得完

全賴其生福

大有之睽

隨叔肝抱冤祁子自邑乘遽解患羊舌以免賴其生

全

蹇之乾

蠱延頸望酒不入我口深目自苦利得無有

訟之益履之萃

臨仁政之德參參日息成都就邑日受厥福

巽之屯

觀牽頭擊尾屈折幾死彫世無仁不知所歸

升之大畜

噬嗑

教羊逐兔使魚捕鼠任非其人費日無功

需之噬嗑

賁生角有尾張孽制家排揚逐狐張氏易公憂禍重

山

剝去安就危墜陷井池破我玉螭

復茹芝餌黃飡飲玉英與神流通長無憂凶

既濟之寒

无妄體重飛難未能越關不離室垣

震之鼎

大畜巢成樹折傷我彛器伯踣叔跌亡羊乃追

頤六人俱行各遺其囊黃鵠失珠無以為明

貴之噬嗑

大過播枝遷岐與母分離絕不相知

大有之坤

坎迎福開戶喜隨我後曹伯愷悌為宋國主

離既癡且狂兩目又盲箕踞坐喑名為無用

咸金梁鐵柱十年牢固完全不腐聖人安處

恒裏糗荷糧與跣相逢欲飛不得為網所獲

遜彭生為妖暴龍作災盜堯衣裳聚跣荷兵青禽照

夜三日夷亡

鼎之遜  
比之蒙

大壯褐夫老婦不能生子鰥寡居處

晉鷓鴣竊脂巢於小枝搖動不安為風所吹內寒飄

搖常憂殆危

明夷 素車木輿不任負重王子出征憂疑為咎

家人 土陷四維安平不危利以居止保其玉女

睽 負牛上山力劣行難烈風雨雪遮遏我前中道復

還訟之  
剝

蹇 金城鐵郭上下同力政平民親寇不敢賊

解 清潔淵塞為讒所言證訓詰情繫於枳溫甘棠聽

斷昭然蒙恩  
師之

損 臯陶聽理岐伯悅喜西登華道東歸无咎

益低頭竊視有所畏避行作不利酒酸魚敗衆莫貪

嗜

鼎之解

夫十雉百雒常與母俱抱鷄搏虎誰肯為娛

妬高阜山陵峻阨顛崩為國妖祥元后以薨

萃六鷁退飛為襄敗祥陳師合戰左股疾傷遂以崩

薨霸功不成

塞之壘

升異國殊俗情不相得金木為仇酋賊擅役

家人之未濟

困鴝噪庭中以戒災凶重門擊柝儕憂暴客

井 慈母赤子享賜得士獲夷服除以安王家側陋逢

時

除疑  
作徐

革

迹造惡人使德不通災旱為殃年穀大傷

迹造作  
遷延坤

有  
之大

鼎

躬履孔德以帶來帶文王燎獵呂尚獲福號稱太

師封建齊國

震

征將止惡鼓輦除賊慶仲奔莒子般獲福

艮

良夫淑女配合相保多孫壽子懽樂長久



漸逶迤四牡思念父母王事靡盬不得安處

漢之復

歸妹水壞我里東流為海龜鼃謹囂不得安居

豐之允

豐東帛戔戔賻我孟空徵召送君處號易子

巽乾行大德覆瞻六合嘔噉成熟使我福德

允秦併六國更相克賊獲惠質圉鄭被其咎

渙晦昧昏冥君無紀綱甲子成亂簡公喪亡

節三足無頭弗知所之心狂精傷莫使為明不見日

光

小畜之復

中孚 長夜短日陰為陽賊萬物空枯藏於北陸

夫之明夷

漸 謙之

小過

依宵夜遊與君相遭除煩解惑使我無憂

無或作先

歸妹之大有

既濟 逐鹿南山知我入門陰陽和調國無災殘長子

出逃須其仁君

逃一作迎

未濟 請騁作耳聾不我與驅我父母

弨之第五十七

巽 溫山松栢常茂不落鸞鳳以芘得其歡樂

鼎之泰  
需之坤

否之

恒

乾 采唐沫鄉要我桑中失信不會憂在鈎帶

无妄之  
恒師之

噬  
嗑

坤 有鳥飛來集于宮樹鳴聲畏惡主將出去

屯之  
夬

屯 仁政之德參參日息成都就邑日受厥福

蒙 他山之錯與璆為仇夾攻吾城傷我肌膚邦家騷

憂

明夷  
巽蒙

需齋貝贖狸不聽我辭繫於虎鬚牽不得來

震之咸  
萃之蹇

否之革  
隨之師

訟一簧兩舌佞言諂語三姦成虎曾母投杼

師之  
乾

師薄行搔尾逐雲涂水污泥為陸下田宜稷

比天門九重澤內難通明登到莫不見神公

小畜闇昧不明耳聾不聰陷入深淵滅頂成凶

兌之  
井

履霧露早霜日暗不明陰陽孽疾年穀大傷

泰三階土廓德義明堂交讓往來享燕相承箕伯朝

王錫我玄黃

否 爭鷄失羊利得不長陳蔡之患賴楚以安

同人 天旱水涸枯槁無澤未有所獲

大有 陶朱白圭善賈息貲公子王孫富利不貧

謙 龜厭江海陸行不止自令枯槁失其都市憂悔无

咎

豫 黃鳥採蓄既嫁不答念吾父兄思復邦國

隨 田鼠野雉意當欲逃拘制籠檻不得動搖

夬之謙  
需之隨

蠱 平國不君夏氏作亂烏號竊發靈公殞命

既濟之噬嗑臨

晉之

臨

巨蛇大鱗戰於國郊上下閉塞君主走逃

剝之艮

觀

讒言亂國覆是為非伯奇留離恭子憂哀

豐之鼎

噬嗑

鬱映不明為陰所傷衆霧集聚共奪日光

賁

望城抱子見邑不殆公孫上堂大君歡喜

剝

三蟲為蠱剝迹無與勝母盜泉君子弗處

姤之觀觀之困

復 車馳人趨卷甲相求齊魯寇戰敗於犬丘

復之小畜明夷

之

无妄 欲訪子車善相欺給桓叔相迎不見所期

大畜 爭雉失羊亡其金囊利得不長陳蔡之患賴楚

以安

歸妹之損

頤 歲莫花落陽入陰室萬物伏匿利不可得

大過 晨風文翰大舉就溫過我成邑羿無所得

大壯之震

小畜之革  
大過之豫

坎 持鵠抱子見蛇何咎室家俱在不失其所

離 隱隱大雷霧霈為雨有女癡狂驚駭隣里

咸 無足斷跟居處不安凶惡為患

萃之

恒 破筐敝筥棄損於道不復為寶

遯 三鷄啄粟十雛從食饑薦卒擊亡其兩叔

中孚之  
頤作八

離從  
食

大壯 乘車七百以明文德踐土葵丘齊晉受福

无之  
剝

晉 百足俱行相輔為強三聖翼事王室寵光

屯之履  
晉之坤

遯之復  
井之履



明夷

典策法書藏在蘭臺雖遭潰亂獨不遇災

坤之  
大畜

大有之恒  
中孚之恒

家人

西誅不服恃強負力倍道奔敵師徒敗覆

益之  
同人

需之  
屯

睽

春陽生草夏長條肆萬物蕃滋充實益有

井之  
與

蹇

礪磽堯白不生黍稷無以供祭祇靈代祀

解

蹇衣涉河澗流浚多幸賴舟子濟脫無他

坤之萃  
蹇之師

損

宜行賈市所求必倍載喜抱子與利為友

未濟之  
益大過

之恒

益 兄征東燕弟伐遼西大克勝還封君河間  
夬 初雖驚惶後乃無傷受其福慶相孝為王  
姤 隨風乘龍與利相逢田獲三倍商旅有功憧憧之  
邑長安無他

萃 魚擾水濁寇圍吾邑城危不安驚恐狂惑  
升 雖塞復通履危不凶保其明功以道立宗

困 坤厚地德庶物蕃植平康正直以綏大福

泰之解  
賁之履

渙之解  
漸之復

井 山水暴怒壞梁折柱稽難行旅留連愁苦

咸之豫

革 使燕築室身不庇宿家無聊賴織我衣服

鼎 矢石所射襄公病據吳子巢門傷病不治

震 日月運行一寒一暑榮寵赫赫不可得保顛隕墜

墮更為士伍

中孚之晉

艮 宮門悲鳴臣圍其君不得東西

漸 戴盆望天不見星辰顧小失大福逃牆外

賁之蒙小過之

蠱

歸妹 天之所明禍不遇家反目相逐終得和美

豐 天陰霖雨塗行泥潦商人休止市無所有

革之睽  
升之困

夬之  
大過

旅 善門福喜增累盛熾日就有得宜其家國

兌 南山之楊華葉鏘鏘嘉樂君子為國寵光

革之  
大有

渙 畫龍頭頤文章未成甘言美語詭辭無名

升之蒙  
蒙之噬

嗑家人  
之賁

節 嬰兒孩子未有知識彼童而角亂我政事

中孚 陰作大姦欲君勿言鴻鵠利口發其禍亂荆李

懷憂張伯被患

小過 德之流行利之四鄉雨師灑道風伯逐殃巡狩

封禪以告成功

萃之比  
蓋之復

既濟 禹將為君裝入崑崙稍進陽光登見溫湯功德

昭明

未濟 五岳四瀆含潤為德行不失理民賴恩福

恒之  
井頤

之明夷  
離之恒

兌之第五十八

兌

班馬還師以息勞疲役夫嘉言入戶見妻

觀之既濟賁之

蠱剝  
之復

乾

踐履厄難脫去危患入福喜門見誨大君

震之家  
人豐之

中  
孚

坤

子鉏執麟春秋作陰元聖將終尼父悲心

訟之同  
人豫之

大有革  
之震

屯 夾河為婚期至無船姪心失望不見所歡

屯之小畜

蒙 天孫帝子與日月處光榮於世福祿繁祉

解之臨

需 三年爭妻相隨奔馳終日不食精氣勞疲

乾之大畜坎之

家人年一作羊

訟 禹召諸神會稽南山執玉萬國天下安寧

姤之臨鼎之艮

損之旅

師 早霜晚雪傷害禾麥損功棄力饑無所食

比之漸豐之離

需之咸

比 嵩融持戟杜伯荷弩降觀下國誅逐無道憂商之  
季失福逃走

小畜 生有聖德上配太極皇靈建中授我以福

家人之需

歸妹之需

履 下田陸黍萬華生齒大雨霖集波病漬腐

泰 子畏於匡困厄陳蔡明德不危竟克免害

渙之坎大過之

晉

否 有兩赤頭從五岳遊淫言無祐趨爾之丘俯伏聽



命不敢動搖

同人 當得自知不逢凶災衰來復興終得福來

大有 朽根枯樹華葉落去卒逢火焱隨風僵仆

屯之坎噬

嗑之否艮之需夬之恒

謙 葛生衍蔓絺綌為願家道篤厚父兄悅喜

豫 東行求玉反得弊石名曰無直字曰醜惡衆所賤

薄

家人之否

隨 瞻白用弦驚辱恐怯任力隨身如蝟見鵲偃視怒

腸不敢拒格

蠱瘡多病宋公危殆吳子巢門無命失所

臨東山西岳會合俱食為吳從送以成恩福

觀舞非其處失節多悔不合我意

噬嗑南循汝水伐樹斬枝過時不遇怒如周飢

賁公孫駕驪載遊東齊延陵說產遺李紵衣

艮之未濟

剝乘輿八百以明文德踐土葵丘齊晉受福

艮之大壯

復雄處弱水雌在海邊別離將食哀悲於心

无妄 結網得鮮受福安坐終無禍患

大畜 秋南春北隨時休息處和履中無有憂凶

頤 啟戶閉門巡狩釋寃夏臺美里湯文悅喜

大過 符左契右相與合屬乾坤利貞乳生六子長大

成就夙言如母

坎 飢蠶作室絲多亂緒端不可得

離 東壁餘光數暗不明主母嫉妬亂我事業

革之謙  
大壯之

恒謙  
之屯

咸 白茅醕酒靈巫拜禱神嗜飲食使君壽考

恒 范公陶朱巧賈貨資東之營丘易字子皮抱珠載  
金多得利歸

遯 三羖五牂相隨俱行迷入空澤經涉虎廬循谷直  
北經涉六駸為所傷賊死於牙腹

大壯 雄鷁延頸欲飛入關雨師灑道織我袍裘車重  
難前侍者稽首

晉 中年蒙慶今歲受福必有所得

明夷 祿如周公建國洛東父子俱封

革之明夷

家人 安牀厚褥不得久宿棄我嘉讌困於東國投杼

之憂不成禍災

家人之睽艮之節

睽 蓄積有餘糞土不居利有所得

蹇 心願所喜乃今逢時我得利福不離兵革

既濟之復

解 目不可合憂來搔足怵惕危懼去其邦族

萃之睽

損 福德之士懽悅日喜夷吾相桓三歸為臣賞流子

孫

益夏姬附耳心聽悅喜利後博取

夫叔迎兄弟遇巷在陽君子季姬並坐鼓簧

咸之震

姤徙巢去家南遇白鳥東西受福與喜相得

萃舜登大禹石夷之野徵詣王庭拜治水土

乾之中孚師之

小畜

升江河淮海天之都市商人受福國家富有

困隱隱煩煩火燒山根下潤我隣獨不蒙恩

肯之蹇

井閤昧不明耳聾不聰陷入深淵滅項憂凶

巽之小畜

革 鳥鳴啾啾天火將下燔我館舍災及妃后

中孚

鼎 十雉百雉常與母俱抱虎搏鷄誰敢難者

震 營城洛邑周公所作世建三十年歷八百福祐盤

結堅固不落

升井之

艮 三人俱行別離將食一身五心反復迷惑

漸 三虎搏狼力不相當如鷹格雉一擊破亡

歸妹 養虎畜狼還自賊傷年歲息長疾君拜禱雖危

不凶

豐後時失利不得所欲

旅雉兔之東以野為場見鷹奔走死於谷口

吳秋蛇見穴不失其節夫人姜氏自齊復入

渙鳥鳴巢端一呼三顛搖動東西危魄不安

節命天不遂死多為崇妻子啼啗早失其雄

中孚茆屋結席崇我文德三辰旆旗家受行福

小過羅網一張鳥無一羽征伐困極饑窮不食

既濟天成地安積石為山潤給萬里人賴其歡



未濟 銅人鐵柱暴露勞苦終月卒歲無有休止

渙之第五十九

渙

望幸不到文章未就羊子逐兔犬蹄不得

未濟之允謙之

既濟

乾 焱風阻越車馳竭棄名追亡失其和節憂心愒

愒

需之小過

坤 蛇得澤草不憂危殆

屯 兩犬爭鬬股瘡無處不成仇讐行解却去

蒙 因禍受福喜盈其室求事皆得

需 江有寶珠海多大魚亟行疾去可以得財

節之中孚

訟 三牛生狗以戌為母荊夷上侵伯姬出走

坤之震否之姤

需之訟  
賁之復

師 安息康居異國宮廬非吾習俗使伯憂惑

比 行觸天綱馬死車傷身無聊賴困窮乏糧

小畜 裸程逐狐為人觀笑牝鷄司晨主母亂門

大有之咸

履 為季求婦家在東海水長無舡不見所歡

屯之蹇

泰 男女合室二姓同食婚姻孔云宜我多孫

否 天門帝室黃帝所直藩屏周衛不可得入常安長  
在終無禍患

同人 齋金觀市欲置騶子猾偷竊發盜我黃寶

大有 三思俱行欲歸故鄉望邑入門拜見家親

謙 娶於姜女駕迎新婦少齊在門夫子悅喜

豫 伯仲旅行南求大狎孟長痛足倩季負囊柳下之

貞不失我邦

隨 潔身白齒衰老復起多孫衆子宜利姑舅

蠱 獨宿深夜嫫母畏晝平王逐建荆子憂懼

臨 追亡逐北呼還幼叔至山而得復歸其室

未濟之大過需

之漢

觀 鳥飛無翼兔走折足雖欲會同未得其功

噬嗑 抱空握虛鶚驚我雛利出不成

雛之家

賁 山作大池陸地為海各得其所

剝 為虎所噬太山之陽衆多從者莫敢救藏

復 逶迤四牡思歸念母王事靡盬不得安處

旅之漸

无妄

獼猴所言語無成全誤我白馬使口不至

一作使乾

口來

大畜

飛不遠去卑廝內侍祿養未富

豐之渙

頤

大尾細腰重不可搖陰權制國平子逐昭

大過

旦生夕死名曰嬰鬼不可得祀

小畜之升未濟之乾震之坤

坎

子畏於匡困於陳蔡明德不危竟免厄害

亢之泰大過之

晉坤之鼎

離 畏昏潛處候時昭朗卒逢白日為世榮主

咸 白鳥銜餌鳴呼其子旋枝張翅來從其母

晉之震

恒 宮商角徵五音和起君臣父子弟順有序唐虞襲

德國無災咎

遯 季姬跣跼望孟城隅終日至暮不見齊侯

豫之巽

大壯 鬼哭於社悲傷無後甲子昧爽殷人絕祀

大過之坤

晉 天之所予福祿常在不憂危殆

小畜之遯損之遯臨之復

明夷 比目附翼相待為福姜氏季女與君合德

節之隨

家人 翁翁匍匐稍崩墜顛滅其令名長沒不全

泰之謙否

之離益之坎

睽 折葉蔽目不見雉叔三足飛鳥遠去家室

師之家

蹇 羊腸九縈相催稍前止須王孫乃能上天

豐之升履之師

蠱之剝損之屯

解 坤厚地德庶物蕃息平康正直以綏大福

泰之解災之困

賁之履

損 有莘外野不逢堯主復歸窮處心勞志苦

益 昇長景行來觀柘桑止伯自喜都叔允臧

夬 周師伐紂戰于牧野甲子平旦天下喜悅

謙之噬  
噬節之

升

姤 踰江求橘并得大栗烹羊食豕飲食歌笑

萃 敝筍在梁魴逸不禁漁父勞苦口焦喉乾虛空無

有

蹇之  
大過

升 生有陰孽制家非陽遂受還作張氏易休憂禍重

凶



困絕域異路多有怪惡使我驚懼思我故處  
井迷行失道不得馬牛伯賈逃亡市沒無有

革雌鷺生鵬神異興起乘雲龍騰民戴為父

鼎疊疊繫繫如岐之室畜一息十古公治邑

恒之小過

震瘡瘍疥癩孝婦不省君多疣贅四時作災

艮羊頭鬼足羸瘦少肉漏囊敗粟利無所得

剝之恒既濟之

訟

漸孽蔑徙靡空無誰是言季不明樂減少解

歸妹 妹貌親熟敗君正色作事不成自為心賊

豐 四馬共轅東上泰山駢驪同力無有重艱與君笑

言剝之  
解

旅 陰變為陽女化為男治道得通君臣相衛

豐之節  
未濟之

夬屯  
之離

巽 南國少子才略美好求我長女賤薄不與反得醜

惡後乃大悔

比之漸泰之  
震漸之困

兌 昭公失常季氏悖狂遜齊處野喪其寵光

遯之  
蠱

節 文山紫芝雍梁朱草生長和氣王以為寶公尸侑

食福祿來處

同人之剝  
豐之家人

中孚 牽羊不前與心戾旋聞言不信誤給丈人

小過 東山西山各自止安心雖相望竟不同堂

姤之  
坤漸

之屯中  
孚之賁

既濟 鹿求其子虎廬之里唐伯李耳貪不我許

隨之  
否

未濟 三虎上山更相跑哮心志不親如仇與怨

姤之  
小過

節之第六十

節海為水王聰聖且明百流歸德無有叛逆常饒優

足不利攻玉所求弗得

末二句  
疑衍

乾虎豹怒咆慎戒外憂上下俱騷士民無聊

坤探巢得雛鳩鵲俱來使我心憂

屯日望一食常恐不足祿命寡薄

蒙良馬疾走千里一宿離逃他鄉誰能追復

需鵲巢鳩城上下不親內外垂畔子走失願

訟雲龍集會征討西戎招邊定眾誰敢當鋒

師春多膏澤夏潤優渥稼穡成熟畝獲百斛

臨之明夷

比 僮妾獨宿長女未室利無所得

豫之益蠱之履乾之蒙

小畜 四野不安東西為患退身止足無出邦域乃得

全完賴其生福

觀之小過旅之豫大有之睽

履 長寧履福安我百穀嘉賓上堂與季同牀

泰 騏驥綠耳章明造父伯夙奉獻衰續厥緒佐文成

霸為晉元輔

否 張陳嘉謀贊成漢都主歡民喜其樂休休

張良陳平也

同人 大面長頭來解君憂遺吾福善與我嘉惠

大有 畏昏不行待旦昭明燎獵受福老賴其慶

夬之損

謙 伯去我東首髮如蓬長夜不寐輾轉空牀內懷惆

悵憂摧肝腸

姤之遯

豫 朽條腐索不堪施用安靜候時以待親知

隨 比目四翼相倚為福姜氏李女與君合德

渙之明夷

蠱 履墜升墀登高崔嵬福祿洋溢依天之威

臨 奢淫吝嗇神所不福靈祇憑怒鬼瞰其室

觀 大步上車南到喜家送我狐裘與福載來

中孚之泰未濟

坤之

噬嗑

東行西步失次後合乾侯野井昭公失居與彼

作期不覺至夜

賁 喜樂踴躍來迎歡客鵲巢百兩以成嘉福多獲利

益

剝 非理所求誰肯相與往來不獲徒勞道路

復 北敵匈奴數侵邊境左衽為長國猶未慶

无妄 續事康域鉞折不成嬰兒短舌說辭無名

一作征不

以理辭乃無名縱獲臣子伯功不成

大畜 景星明堂麟遊鳳翔仁施大行頌聲作興

豫之節損

之坤

頤 文明之世銷鋒鑄耜以道順昌百王不易

一作焚膏銷鋒

鑄壓危凶招來文德居安其國

大過 鳥飛無羽鷄鬬折距徒自長嗟誰肯為侶

一作不順

其德自為凶咎



坎 羣隊虎狼嚙彼牛羊道路不通妨人害商

離 商伯沉醉庶兄奔遠遊女蕩夫仁德並孤

咸 三狸搏鼠路過前後當此之時不能脫走

恒 陶叔孔圉不處亂國初雖未萌後受福慶

遯 奮翅鼓翼翱翔外國逍遙北域不入溫室

大壯 德音孔博升在王室八極蒙祐受其福祿

晉 當變立權摘解患難渙然氷釋大國以安

升之震

明夷 羽動角甘雨續草木茂年歲熟

家人 天所佑助福來禍去君王何憂

睽 方喙廣口聖智仁厚釋解倒懸唐國大安

小畜之噬嗑

蹇 葛藟蒙棘華不得實讒佞亂政使恩壅塞

泰之蒙蠱之明

夷師之中孚

解 皇母多恩字養孝孫脫於襁褓成就為君

損 積水下溼北陸苦寒露宿多風君子傷心

睽之損

益 伯夷叔齊貞廉之師以德防患憂禍不存

革之否歸妹之

臨中孚之解

夫一雌二雄子不得公亂我族類使吾心憤

妬主安多福天祿所伏居之寵昌君子有光

萃千歲槐根身多斧癭樹維枯屈枝葉不出

升周師伐紂勝殷牧野甲子平旦天下大喜

謙之噬  
嗑渙之

夬  
復

困日走月步趨不同舍夫妻反目主君失居

豐之同  
人小畜

之同人  
豫之睽

井宣勞就力為王主國安土成稷天下蒙福

革 諷德誦功美周盛隆夷旦輔成光濟冲人

明夷之  
蒙益之

升

鼎 三夜不寢憂來益甚戒以危懼棄其安居

震 思願所之乃今逢時洗濯故憂并其懼來

睽之  
艮

艮 嚶嚶懾懾夜行晝伏謀議我資來攻吾室空盡已

財幾無所食

漸 辟牛亡子鳴於大野申後陰徵還歸其母說我除

悔

歸妹 王良善御伯樂知馬周旋步驟行中規矩止息

有節延命壽考

豫遯之

豐 釋然遠咎避患革害田獲三狐以貝為寶

旅 仁獸所處國無凶咎市賈十倍復歸惠里

巽 六目俱視各欲有志一言不同乖戾生訟

兌 傳說休明駢御四龍周徑萬里無有危凶

渙 伯仲叔季日暮寢寐醉醒失明喪其貝囊卧拜道

旁

謙之

蠱

中孚 江有寶珠海多大魚亟行疾至可以得財

渙之需

小過 遠視千里不見所視離婁之明無益於耳

既濟 弱足則跟不利出門市賈無贏折亡為患

乾之鼎

未濟 利盡得媒時不我來鳴雌深步寡宿獨居

中孚之第六十一

中孚 鳥鳴喈喈天火將下燔我屋室災及妃后

兌之革

乾 黃虹之野賢君所在管仲為相國無災咎

坤 叔梁有名相與合齒乾坤利貞乳生六子長大成

就夙言如母

屯

蝗齧我稻驅不可去實穗無有但見空藁

豫之師

蒙

嬰兒求乳母歸其子黃麕悅喜

需

折葉蔽目不見稚叔失旅亡民遠去家室

訟

牂羊羶首君子不飽年饑孔荒士民危殆

師

靈龜陸處盤桓失所伊子退耕桀亂無輔

歸妹之井歸妹

剌之

比

威約拘因為人所誣臯陶平理幾得脫免

小畜 烏升鵠舉照臨東海龙降庭堅為陶叔後封於

蓼丘福履綏厚

謙之頤需之大畜觀之頤

履 四目相視稍延同執日昃之後見吾伯姊

益之需

泰 大步上車南至喜家送我狐裘與福載來

節之觀未濟之

坤

否 穿都相合未敢面見媒妁無良使我不鄉

同人 鴻飛遵陸公母不復伯氏客宿

剝之井

大有 代戍失期患至無聊懼以發難為我開基邦國



憂愁

謙伯氏爭言戰於龍門構怨結禍三世不安

豫周政養賊背生人足陸行不安國危為患

隨蜩蟬歡喜草木嘉茂百果蕃生日益富有

謙之解

蟲薄災暴虎風吹雲却欲上不得復歸其宅

臨乘輜駕驪遊至東齊遭遇行旅送我以貨厚得利

歸

觀鳳生十子同巢共乳歡悅相保

噬嗑

桃雀竊脂巢於小枝動搖不安為風所吹心寒

慄搖常憂殆危

損之  
渙

賁 東山西山各自止安雖相登望不得同堂

姤之坤  
漸之屯

渙之  
小過

剝

匍匐出走驚懼皇恐白虎生孫蓐收在後

復

重弋射隼不知所定質疑著龜告以肥牡明神答

報宜利止居

无妄

開門內福喜至我側加以善祥為吾家宅宮城

洛邑以昭文德

大畜 鳥飛狐鳴國亂不寧下強上弱為陰所刑

頤 三鷄啄粟八雛從食飢鷹卒擊失亡兩叔

大過 歎息不悅憂逆中出喪我金罍无妄失位

坎 剛柔相呼二姓為家霜降既同患我以仁

家人之損漸之

離

離 送我季女至於蕩道齊子旦夕留連久處

咸 低頭竊視有所畏避行作不利酒酸魚敗衆莫貪

嗜鼎之解

恒 典策法書藏在蘭臺雖遭亂潰獨不遇災

巽之明夷坤之

大畜大有之恒

遯 旦醉病酒暮即瘳愈獨不及咎

大壯 畫龍頭頸文章未成甘言美語說辭不名

升之蒙蒙

之噬嗑家人之賁

晉 日月運行一寒一暑榮光赫赫不可得保顛躓殞

隆更為士伍

巽之震

明夷 爭利王市朝多君子蘇氏六國獲其榮寵

家人 六蛇奔走俱入茂草驚於長塗畏懼啄口

片之  
允豐

允之

睽 懸貺素餐食非其任失輿剝廬休坐徙居

隔之  
益

蹇 歡欣九子俱見大喜攜提福至王孫是富

解 伯夷叔齊貞廉之師以德防患憂禍不存

革之否  
歸妹之

臨節  
之益

損 雄聖伏名人匿麟驚走鳳飛北亂潰未息

否之大  
過剝之

臨

益 久鰥無偶思配織女求其非望自令寡處

夫 破亡之國天所不福難以止息

姤 老慵多欲弊政為賊阿房驪山子嬰失國

萃 三殺六牂相隨俱行迷入空澤經涉虎廬為所傷

賊死於牙腹

升 噬聶噓嚙昧冥相搏多言少實語無成事

明夷之豫無之

乾

困舞陽漸離擊筑善歌慕丹之義為燕荆軻陰謀不  
遂霍目死亡功名何施

井尹氏伯奇父子分離無罪被辜長舌為災

革五精亂行政逆皇恩湯武赫怒天伐利域

鼎西歷玉山東入玉門登上福堂飲萬歲漿

震行觸忌諱與司命忤執囚束縛拘制於吏迷人有

喜

艮機父不賢朝多讒臣君失其政保我久貧

漸 三人俱行北求大狴孟長病足倩李負囊柳下之  
貞不失我邦

歸妹 鵠思其雄欲隨鳳東順理羽翼出次日中雖留

比 邑復歸其室

並之觀需之  
離豐之泰

豐 常德自如不逢禍災

如一  
作如

旅 白鵠遊望君子以寧履德不愆福祿來成

巽 膚敏之德發憤忘食虜豹擒說為王得福

大有  
之困

兌 百足俱行相輔為強三聖翼事王室寵光國富民



康屯之履

渙 生不逢時困且多憂年老衰極中心悲愁

節 出門蹉跌看道後旅買羊逸亡所謂逃走空手握

拳坐狼為咎

小過 牧羊稻田聞虎喧謹畏懼惕息終無禍患

隨之漸升

之否剝之損

既濟 龍潛鳳池箕子變服陰孽萌作

未濟 國無比隣相與爭強紛紛凶凶天下擾攘

小過之第六十二

小過 初雖驚惶後反無傷受其福慶永永其祥

乾 積德累仁靈祐順信福祉日增

坤 謹慎重言不幸遭患周召述職脫免牢門

屯 鳥飛鼓翼喜樂堯德虞夏著功要荒賓服

蒙 牙蘗生齒室堂啟戶幽人利貞鼓翼起舞

需 使伯東求拒不肯行與叔爭訟更相毀傷

訟 手足易處頭尾顛倒公為雌嫗亂其蠶織

師 匠卿操斧豫章危殆袍衣既剝祿命訖已

比 天女踞牀不成文章南箕無舌飯多砂糠虐衆盜

名雌雄折頸

大畜之益

小畜 大椎破轂長舌亂國墻茨之言三世不安

履 銜命辱使不堪厥事中墜落去更為負載

泰 三蛇共室同類相得甘露時降生我百穀

否 衣繡夜遊與君相逢除患解惑使君不憂

同人 被髮獸心難與為隣來如風雨去如絕弦為狼

所殘

大有 剛柔相呼二姓為家霜降既同患我以仁

家人之損

中孚之坎  
漸之離

謙 牛耳聾聵不曉聲味委以鼎俎治亂潰潰

豫 低頭竊視有所畏避行旅不利酒酸魚餒衆莫貪

嗜 鼎之  
解

隨 雨師娶婦黃巖季子成禮既婚相呼南上膏我下

土年歲大有 否之坤恒之晉豐  
之比豐之大過

蠱 載盆望天不見星辰顧小失大遁逃牆外

賁之蒙  
與之漸

益之

中孚

臨 二人輦車徙去其家井沸釜鳴不可以居

觀 攘臂反肘怒不可止狼戾腹心無與為市

噬嗑 湯火之憂轉解喜來

賁 忠信輔成王政不傾公劉肇基文武綏之

剝 登高折木頓躓蹈險車傾馬疲叔伯嗟噓

復 桑方隕落黃葉敗散失勢傾側如無所立

无妄 鸞鳳翱翔集于家國念我伯姊與母相得

大畜 陰淫所居盈溢過度傷害禾稼

頤 霄冥高山道險峻難王孫罷極困於阪間

大過 和璧隋珠為火所燒冥昧失明奪精無光棄於

道傍

坎 虞君好田惠我老親恭承宗廟長愠不去復我內

事

離 爪牙之士怨毒祈父轉憂與已傷不及母

謙之  
歸妹

咸倉盈庾億宜稼黍稷年歲有息

恒憲牖戶傍通利明光賢智輔聖仁德大行家給人

足海內殷昌

大畜之升

遯忉忉之患凶重與薦為虎所吞

大壯水無魚滋陸為海涯君子失居小人相攜

晉九疑鬱林沮溼不中鸞鳳所惡君子攸去

无妄之終

明夷六翮泛飛走歸不及脫歸王室上其駢特

家人不直莊公與我爭訟媒伯無禮自令壅塞

睽倉庚多億宋公危殆吳子巢門殞命失所

庚一作庚

塞失羊捕牛無損無憂

解夏麥麩麴霜擊其芒疾君敗國使我誅傷

秦之奇

損昧昧暗暗不知白黑風雨亂擾光明伏匿幽王失

國

益執斧破薪使媒求婦和合二姓親御飲酒色比毛

嬀姑公說喜

夬六疾生狂癡走妄行北入患門與禍為鄰



妬 驅羊就羣狼不肯前慶季懷諫子之被患  
萃 二人異路東趨西步十里之外不知相處  
升 義不勝情以欲自營覩利為躬折角摧頸  
困 騷騷擾擾不安其類疾在頸項凶危為憂  
井 三河俱合水怒湧躍壞我王室民困於食  
革 陽曜旱疾傷病稼穡農人無食

鼎 流浮出食載拳入屋釋轡繫馬西南廡下  
震 門戶之居可以止舍進士不殆安樂相保

艮 過時不歸雌雄苦悲徘徊外國與母分離

咸之遊  
豫之大

壯

漸 中田有廬疆場有瓜猷進皇祖曾孫壽考

歸妹 失時無友覆家出走何如喪狗

豐 反鼻岐頭二寡獨居

旅 衣裳顛倒為王來呼成就東周封受大福

巽 飛不遠去還歸故處興事多悔

兌 含血走禽不曉五音飽巴鼓瑟不悅於心

渙 求玉獲石非心所欲祝願不得

節 山崩谷絕大福盡歆涇渭失紀玉石既已

中孚 雜目懼怒不安其居散漫府藏無有利得

既濟 衆邪充側鳳凰折翼微子復北去其邦國

未濟 六月采芑征伐無道張仲叔季孝友飲酒

離之坎

既濟之第六十三

既濟 玄兔捐掌與足相視證訊詰問詰情自侶死誣

難告口為身禍

乾 游駒石門聒耳安全受福西隣歸隱玉泉

坤 陽春草生萬物風興君子所居禍災不到

屯 人無足法紱除牛出雄走羊驚不失其家

蒙 太山上奔變見太傲陳吾廢忽作為禍患

需 乘龍光土先暗後明燎獵大得太師以昌

訟 羊頭兔足羸瘦少肉漏囊貯粟利無所得

渙之艮  
剝之恒

師 因禍受福喜盈其室螟蟲不作君無苛惑

比 舜升大禹石夷之野徵詣黃門拜治水土

乾之中  
孚豫之

小畜元  
之萃

小畜 烏子鵲雛常與母居顧類羣聚不離其巢

履 夷羿所射發輒有獲增加蒼鷹雙鳥俱得

泰 晨風文翰大舉就溫昧過我邑羿無所得

小畜之  
萃大過

之豫大  
壯之震

否 六喜三福南至歡國與喜同樂嘉我潔德

同人 鬪龍股折日就遂明自外為主弟伐其兄

大有 蒙慶受福有所獲得不利出域

謙 蠻夷戎狄太陰所積涸水沍寒君子不存

豫 畏昏潛處候時昭明卒遭白日為榮祿主

隨 水流趨下欲至東海求我所有買鮪與鯉

妬之否  
損之需

益之  
无妄

蠱 冠帶南遊與福喜期微為嘉國釋為逢時

臨 莎鷄振羽為季門戶新沐彈冠仲父悅喜

觀 結衿流弼遭讒桎梏周召述職身受大福

噬嗑 田鼠野鷄意常欲逃拘制籠檻不得運搖

大之  
謙需

之隨吳  
之隨

賁 居華山巔遊觀浮雲有雨不濡心樂無憂

剝 傾倚將顛亂不能存英雄作業家困無年

復 心願所喜乃今逢時保我利福不離兵革

允之  
塞

无妄 靈龜陸處盤桓失所阿衡退耕夏封於國

大畜 弱水之右有西王母生不知老與天相保不利

行旅

頤 抱瑰求金日暮坐吟終身卒歲竟無成功

大過 言笑未畢憂來暴卒身加檻纜囚繫縛束

坎 望幸不至文章未成王子逐兔犬跡不得

未濟之兌

離 震悚恐懼多所畏忌行道留難不可以步

咸 雄狐綏綏登山崔嵬昭告顯功大福允興

恒 火起吾後喜災我廡蒼龍含水深啜吾柱雖憂无

咎

遯 危坐至暮請求不得膏澤不降政戾民忒

剝之頤需之頤

漸之坎



大壯 孟春和氣鷹隼搏鷙衆雀憂潰

晉 緩法長姦不能理冤沉湎失節君受其患

明夷 魚鼈貪餌死於網釣受危因寵為身殃咎

家人 金精耀怒帶劍過午徘徊高原宿於山谷兩虎

相距弓矢滿野

震之豫

睽 四目相望精近同光並坐鼓簧

蹇 茹芝餌黃飲酒玉漿與神流通長無憂凶

解 求獐嘉鄉惡蛇不行幽岐口還復反其床

損 天門地戶幽冥不觀不知所在

觀一作睹

益 跛足息肩有所忌難金城鐵郭以銅為闕藩屏息

衛安止無患

避之旅

夬 三雁俱飛欲歸稻池經涉山澤為矢所射

姤 濟深難渡濡我衣袴王子善濯決無他故

萃 飲酒醉飽跳趨爭鬪伯傷叔僵東家治喪

比之鼎大畜之

晉益之蒙

升 跛躓未起失利後市蒙被殃咎不得鹿子

困 辰次降婁建星中堅子無遠行外顛霄陷遂合訖  
終

井 商風召寇來呼外盜間謀內應與我爭鬪殫已寶  
藏主人不勝

革 甘露醴泉太平機關仁德感應歲樂民安

鼎 祭仲子突要門逐忽禍起子傷弟代其兄鄭文不  
昌

震 反孽難步留不及舍露宿澤陂亡其襦袴

艮 狼虎結謀相聚為保伺候牛羊病我商人

漸 明德克敏乘興貢舉放勲御用又哲蒙佑

歸妹 貧鬼守門日破我盆毀罌破甕空虛無子

損之剝

豐 天命赤烏與兵徼期征伐無道箕子遨遊

旅 威約拘囚為人所誣臯陶平理剖械出牢脫歸家

問

巽 羊驚虎狼聳耳羣聚無益威僅為齒所傷

兌 初雖啼號後必慶笑光明照耀百嘉如意

渙 馬服長股宜行善市蒙祐諧偶獲金五倍

節 應門內崩誅賢殺暴上下咸愜景公失位長歸元

洹望妻不來

中孚 執斧破薪使媒求婦好合二姓親御斯酒色比

毛嫱姑悅公喜

小過之益

小過 兩輪日轉南上大阪四馬共轅無有險難與禹

笑言

賁之需

未濟 千柱百梁終不傾僵周家寧康

未濟之第六十四

未濟 志慢未習單酒糗脯數至神前欲求所願反得

大患

乾 旦生夕死名曰嬰鬼不可得祀

渙之大過震之坤小過之升

坤 大步上車南至喜家送我狐裘與福喜來

節之觀大過之

困中孚之泰

屯 西多小星三五在東早夜晨行勞苦無功

大過之大

蒙 北陸藏冰君子心悲困於粒食鬼驚我門

需 山泉暴怒壞梁折柱稽難行旅留連愁苦

訟 比目四翼來安吾國福喜上堂與我同牀

損之隨  
同人之

充比  
之離

師 狡兔趯趯良犬逐咋雄雌爰爰為鷹所獲

比 增祿益福喜來入室解除憂惑

小畜 騎龍乘鳳上見神公彭祖受制王喬贊通巫咸

就位拜福無窮

家人  
之剝

履 天火卒起燒我旁里延及吾家空盡已財

泰金帛黃寶宜與我市嫁娶有息利得萬倍

否鬼魅之居凶不可舍

同人飛鳥逐兔各有畏惡鵬鷹為賊亂我室舍

大有初雖驚惶後乃無傷受其福慶

謙兩金相擊勇氣均敵日月鬪戰不破不缺

豫曳綸河海掛釣魴鯉王孫利德以享仲發

一作友

隨犬畏虎狼依人作輔三夫執戟伏不敢起身安无

咎



蠱 蜘蛛作網以同行旅青蠅嘒聚觸我羅域為網所  
得死於網羅

臨 所望在外鼎命方來拭爵滌壘炊食待之不為季  
憂

觀 日月並居常暗匪明高山崩顛丘陵為溪

塞之咸

噬嗑 春服既成載華復生莖葉茂盛實穗泥泥

賁 華首山頭仙道所遊利以居止長无咎憂

剝 三狐嗥哭自悲孤獨野無所由死於丘室

復火中暑退求藿其食商人不至市空無有

无妄獨立山顛求爨耕田草木不闢秋饑無年

大畜火雖熾在吾後寇雖近在吾右身安吉不危殆

歸妹  
之震

頤齟齬齟齬貧鬼相責無有懼怡一日九結

豐之  
晉

大過追亡逐北呼還幼叔至山而得反歸其室

渙之  
臨需

渙之

坎銜命辱使不堪厥事遂墮落去更為欺吏

離 被珠銜玉沐浴仁德應聘唐國四門穆穆蠹賊不  
作凶惡伏匿

咸 機關不便不能出言精誠適通為人所究  
恒 甕破缶缺南行亡失

遯 唇亡齒寒積日凌根朽不可用為身災患

大壯 蒙惑憧憧不知西東魁罡指南告我失中利以  
宜止去國憂患

晉 烏鴟搏翼以避陰賊盜伺二女賴厥生福旱災為

疾君無黍稷

明夷 名成德就項領不伐景公耄耄尼父避去

家人 言與心詭西行東望鯀湮洪水佞賊為禍

睽 獫狁匪度治兵焦獲伐鎬及方與周爭疆元戎其

駕衰及夷王

末句一作  
以安我王

蹇 三火起明雨滅其光高位疾顛驕恣誅傷

解 陰涿川決水為吾崇使我潰心毋樹臬麻居止凶殆

損 厭浥晨夜道多湛露沾我襦袴重難以步

益宜行賈市所求必倍載喜抱子與利為友

大過之恒終之

損

夬陰變為陽女化為男治道得通君臣相承

渙之旅豐之節

屯之離

姤淵蔽牡荆生翳山旁仇敵皆憎孰肯相迎

萃坐茵乘軒握德宰臣虞叔受命六合和親

升雲興蔽日雨集草木年茂歲熟

困播枝折歧與母別離絕不相知

旅之大過

井 天旱水涸枯無澤困於沙石未有所獲

革 圭璧琮璜執贄見王百里甯戚應聘齊秦

鼎 龍渴求飲雲黑景從河伯捧醴跪進酒漿流潦滂  
滂

震 電梅零蒂心思積憤亂我雲氣

艮 鹿求其子虎廬之西唐伯李耳貪不我許

渙之既濟隨之

否

漸 穿飽挹水構鐵燃火勞瘦力竭饑渴為禍

歸妹 龍生馬淵壽考且神舍宿軒轅居樂長安

豐 崔嵬北岳天神貴客溫仁正直主布恩德衣冠不

已蒙受天福

旅 鬼夜哭泣齊失其國為下所賊

巽 二政多門君失其權三家專制禍起李孫

兌 望幸不到文章未就三子逐兔犬蹄不得

渙卦

渙 伯虎仲熊德義淵弘使布五教陰陽順序

節 兩足四翼飛入家國寧我伯姊與母相得


中孚 春秋禱祝解禍除憂君無災咎

小過 牧羊稻園聞虎諠謹畏懼悚息終無禍患

剝之損井

之否隨  
之漸

既濟 大蛇巨魚相搏於郊君臣隔塞郭公出廬





焦氏易林卷四